

史

略

四明張氏約園開雕

序

余讀高續古先生史略既卒業慨然於作述之難有太史公司馬談而無遷則談之志何以繼有學士高炳如先生注史記而無續古則學士之書將泯然矣學士注史記極意覃思積功二十年既絕筆續古悉整以論今攷之寧波府縣及餘姚縣藝文志均未采錄惟鄞縣藝文志經部有天官集註子部又有天官書集註蓋未知學士之注史記既分載於經子而闕於史部甚矣蒐訪之難也續古著史略爲時僅二十七日後世以其成書

史略序

一四明叢書
續圖刊本

之易讒其罅漏之多安知不由學士注史記時一一搜輯於先而續古成之之速者藉此乎然商榷千古鈐括百家於此可見一斑而學士史記之註一百三十卷因是以著非特津逮後學卽向之邑志之誤傳者亦得糾正焉是書之存其裨補豈淺眇哉抑讀其輯劉勰論史有曰勳榮之家雖庸夫而盡飾屯貶之士雖令德而蚩埋余小子私心惴惴懼躬蹈之故於鄉先生遺書採訪尤徧於屯貶則受續古先生之教也因書以爲序時民國二十一年二月後學張壽鏞

光緒餘姚縣藝文志

高似孫子略四卷目錄一卷四庫提要是書卷首冠以

所載次唐志所載次庾仲容子鈔馬總意林所載次隋志

推通志藝文略所載皆削其門類而存其書名略注撰

八卷數於下其一書而有諸家注者則惟列本書而注

家細字附錄焉其有題識者凡三十八家以其會粹諸

家見所見之本猶近古終非焦竑經刻錄十卷四庫提

籍志之流輾轉取襲徒構虛詞者比刻錄十卷要此

縣志也曠為漢剡縣地名曰剡錄前有嘉定甲戌似

孫自序及嘉定乙亥曠縣令史之安序其書徵引極為

該治唐以前佚事遺文頗賴以存其先賢傳每事必注

其所據之書可為地志紀人物之法其山水記仿鄒道

元水經注例脈絡井然而風景如觀亦可為地志紀山

水之法統核全書皆敘述有法簡潔古雅迥在後來武

功諸志緯略十二卷宋史藝文志千頃堂書目入司馬

之上

似孫嘗輯經略史略子略集略騷略及此書今惟子略

騷略與此書存書錄解題論其讀書以隱僻為博其作

文以怪誕為奇然考證之學正不嫌其博而是編所引

史略 高氏書考

約圖刊本 四明叢書

四卷四庫提要要編乃采摘文苑英華中典雅字句可

刻本仍以原目為次不分卷數以似孫原序考之當時

實分四卷也其中以諸本參校如呂令開蓮峯賦別本

皆作氣開秋爽此本則作氣涵秋爽賈至早朝詩別本

皆作其沐恩波鳳池上朝朝染翰侍君王此本亦沐

恩波鳳池裏終朝默默侍君王李羣玉黃陵廟詩別本

皆作迴風日暮吹芳芷此本東風日暮吹香芷皆小

有異同韓愈泮州東西水門記別本俱作請紀成績此

本皆請紀其成績又豎極其危句此本亦作遂持危亦

皆韓集舉正韓文考異所未載其搜羅亦頗該洽 硯箋

四卷 書錄解題一卷天一閣書目三卷千頃堂書目作

一卷為端硯分子目十九卷中硯圖一類列四十二式

注曰歛石亦如之然圖已不具意傳寫佚之也第二卷

為歛硯分子目二十第三卷為諸品硯凡六十五種第

四卷則前人詩文其詩文明題曰端硯歛硯硯者已附入

前二卷內是卷所載皆不標名品故別附之諸品後耳

宋志所錄硯譜今存者尚有四五家大抵詳於材產質

性而罕及其典故似孫此書獨晚出得備采諸家之說

又其學淹博能旁徵羣籍以為之佐證故敘述頗有可

觀如端州縷石為諸品所不載據王安石詩增入亦殊

賅洽錢曾讀書敏求記亦稱唐人言吳融八韻賦古今

無敵惜乎亡來已久此存得古瓦硯賦 蟹略四卷 四庫

一篇歸然魯靈光也則亦頗資考據矣 蟹略四卷 提要

是篇以傳胘蟹譜徵事太略因別加哀集卷一曰蟹原

蟹象卷二曰蟹鄉蟹具蟹品蟹占卷三曰蟹貢蟹饌蟹

蟹卷四曰蟹雅蟹志賦詠每門之下分條記載多取蟹

字為目而系以前人詩句采摭繁富究為博雅遺篇佚

史略 高氏著述考

約圖刊本 二一四明叢書

句所載尤多視傳 文選句圖一卷 書錄解題作選詩句

譜終為勝之云 圖四庫提要摘句為

圖始於張為其書以白居易等大人為士以楊乘等七

十八人為客主分六派客亦各有上入室入室升堂及

門四格排比聯貫事同譜牒故以圖名 煙雨集 騷略

似孫此書亦沿舊名所錄皆文選諸詩 三卷 四庫提要

是編皆所擬歷賦凡三十三篇其後效

乃詞一篇集杜甫詩八句柳宗元詩四句為之

鄞縣志本傳

高以孫字續古書錄解題夙有俊聲詞章敏贍攻媿集程大昌

演繁露初成文虎假觀似孫年尙少竊窺之越日程索

問原書似孫因出一帙曰繁露詰其閒多大昌所未載

而辨證尤詳大昌盛賞之齊東野語登淳熙十一年進士慶

志爲會稽縣主簿吏道通明樓鑰除給事中嘗舉以自

代攻媿集後爲禮部郎守處州延祐志○案句餘土音

官中大夫提舉崇禧觀似孫博雅好古嵯縣志晚家於越

延祐志○案鮎埼亭外集晚年始遷姚江而諸弟如衡孫等仍居甬江爲嵯令史安之作

史略傳一四明叢書
續園刊本

刻錄而文物掌故乃備卒贈通議大夫似孫子歷字堯

象爲溫婺等處通判積階朝奉郎嵯縣志

自序

太史公以來載籍之作大義粲然著矣至於老蝕牛瓦
著力汗青何止間見層出而善序事善裁論比良班馬
者固有犖犖可稱然書多失傳世固少接被諸籤目往
往莫詳况有窺津涯涉闕奧者乎乃爲網羅散軼稽輯
見聞采菁獵奇或標一二仍依劉向七錄法各彙其書
而品其指意後有才者思欲商榷千古鈐括百家大筆
修辭輯熙盛典殫極功緒與史並驅其必有準於斯寶
慶元年十月十日修十一月七日畢似孫序

東略序

一四明藏書
約圖刊本

史略卷一

宋鄆縣高似孫續古義

太史公史記

太史公自序

諸儒史議

續史記

史記注

先公史記注

史記雜傳

史略卷一

一四明叢書
初刊本

史記考

史記音

史記 一百三十卷

漢太史令司馬遷字子長撰按漢書藝文志云十篇缺有錄無書衛宏舊儀云武景紀爲武帝削去遷歿之後遂亡景紀禮書樂書律書漢興以來將相年表三王世家日者龜策傳新列傳元成間褚少孫補缺

太史公自敘

太史公既掌天官不治民有子曰遷遷生龍門耕牧河

山之陽年十歲則誦古文二十而南游江淮上會稽探禹穴窺九疑浮沅湘北涉汶泗講業齊魯之都觀夫子適風鄉射鄒嶧昵困蕃薛彭城過梁楚以歸於是遷仕爲郎中奉使西征巴蜀以南略邛笮昆明還報命是歲天子始建漢家之封而太史公留滯周南不得與從事發憤且卒而子遷適反見父於河雒之間太史公執遷手而泣曰子先周室之史也自上世嘗顯功名於虞夏典天官事後世中衰絕於子乎女復爲太史則續吾祖矣今天子接千歲之統封泰山而子不得從行是命也

矣命也夫子死爾必爲太史毋忘吾所欲論著矣且夫孝始於事親中於事君終於立身揚名於後世以顯父母此孝之大也夫天下稱周公言其能論歌文武之德宣周召之風達大王王季思慮爰及公劉以尊后稷也幽厲之後王道缺禮樂衰孔子修舊起廢論詩書作春秋則學者至今則之自獲麟以來四百有餘歲而諸侯相兼史記放絕今漢興海內一統明主賢君忠臣義士子爲太史而不論載廢天下之文子甚懼焉爾其念哉遷俯首流涕曰小子不敏請悉論先人所次舊聞不敢

闕卒三歲而遷爲太史令補史記石室金縢之書

二

余聞之先人曰虛戲至純厚作易八卦堯舜之盛尙書載之禮樂作焉湯武之隆詩人歌之春秋采善貶惡推三代之德褒周室非獨刺譏而已也漢興已來至明天子獲符瑞封禪改正朔易服色受命於穆清澤流罔極海外殊俗重譯款塞請來獻見者不可勝道臣下百官力誦聖德猶不能宣盡其意且士賢能矣而不用有國者恥也主上明聖德不布聞有司之過也且余掌其官

東略卷一

三四明叢書

約閣刊本

廢明聖盛德不載滅功臣賢大夫之業不述墮先人所言罪莫大焉余所謂述故事整齊其世傳非所謂作也而君比之春秋謬矣於是論次其文十年而遭李陵之禍幽於纍紲迺喟然而歎曰是余之辜夫身虧不用矣退而深惟曰夫詩書隱約者欲遂其志之思也卒述陶唐以來至于麟止自黃帝始五帝本紀第一夏本紀第二殷本紀第三周本紀第四秦本紀第五始皇本紀第六項羽本紀第七高祖本紀第八呂后本紀第九孝文本紀第十孝景本紀第十一今上本紀第十二三代世

表第一十二諸侯年表第二六國年表第三秦楚之際
月表第四漢諸侯年表第五高祖功臣年表第六惠景
間功臣年表第七建元以來侯者年表第八王子侯者
年表第九漢興以來將相名臣年表第十禮書第一樂
書第二律書第三曆書第四天官書第五封禪書第六
河渠書第七平準書第八吳太伯世家第一齊太公世
家第二魯周公世家第三燕召公世家第四管蔡世家
第五陳杞世家第六衛康叔世家第七宋微子世家第
八晉世家第九楚世家第十越世家第十一鄭世家第

十二禮世家第十三魏世家第十四韓世家第十五田
完世家第十六孔子世家第十七陳涉世家第十八外
戚世家第十九楚元王世家第二十荆燕王世家第二
十一齊悼惠王世家第二十二蕭相國世家第二十三
曹相國世家第二十四留侯世家第二十五陳丞相世
家第二十六絳侯世家第二十七梁孝王世家第二十
八五宗世家第二十九三王世家第三十伯夷列傳第
一管晏列傳第二老子韓非列傳第三司馬穰苴列傳
第四孫子吳起列傳第五伍子胥列傳第六仲尼弟子

列傳第七商君列傳第八蘇秦列傳第九張儀列傳第十
十構里甘茂列傳第十一穰侯列傳第十二白起王翦
列傳第十三孟子荀卿列傳第十四平原虞卿列傳第
十五孟嘗君列傳第十六魏公子列傳第十七春申君
列傳第十八范雎蔡澤列傳第十九樂毅列傳第二十
廉頗藺相如列傳第二十一田單列傳第二十二魯仲
連列傳第二十三屈原賈生列傳第二十四呂不韋列
傳第二十五刺客列傳第二十六李斯列傳第二十七
蒙恬列傳第二十八張耳陳餘列傳第二十九魏豹彭

越列傳第三十黥布列傳第三十一淮陰侯韓信列傳
第三十二韓信盧綰列傳第三十三田儼列傳第三十
四樊鄴滕灌列傳第三十五張丞相倉列傳第三十六
酈生陸賈列傳第三十七傅靳蒯成侯列傳第三十八
劉敬叔孫通列傳第三十九季布欒布列傳第四十爰
盎朝錯列傳第四十一張釋之馮唐列傳第四十二萬
石張叔列傳第四十三田叔列傳第四十四扁鵲倉公
列傳第四十五吳王濞列傳第四十六魏其武安列傳
第四十七韓長孺列傳第四十八李將軍列傳第四十

九衛將軍驃騎列傳第五十平津主父列傳第五十一
匈奴列傳第五十二南越列傳第五十三閩越列傳第
五十四朝鮮列傳第五十五西南夷列傳第五十六司
馬相如列傳第五十七淮南衡山列傳第五十八循吏
列傳第五十九汲鄭列傳第六十儒林列傳第六十一
酷吏列傳第六十二大宛列傳第六十三游俠列傳第
六十四佞幸列傳第六十五滑稽列傳第六十六日者
列傳第六十七龜策列傳第六十八貨殖列傳第六十
九太史公自序第七十

三

古者富貴而名摩滅不可勝記唯倣儻非常之人稱焉
蓋西伯拘而演周易仲尼戾而作春秋屈原放逐乃賦
離騷左丘失明厥有國語孫子贖腳兵法修列不韋遷
蜀世傳呂覽韓非囚秦說難孤憤詩三百篇大氏賢聖
發憤之所爲作也此人皆意有所鬱結不得通其道故
述往事思來者及如左丘明無目孫子斷足終不可用
退論書策以舒其憤思垂空文以自見僕竊不遜近自
託於無能之辭網羅天下放失舊聞考之行事稽其成

敗興壞之理凡百三十篇亦欲以究天人之際通古今之變成一家之言草創未就適會此禍惜其不成是以就極刑而無愠色僕誠已著此書藏之名山傳之其人通邑大都則僕償前辱之責雖萬被戮豈有悔哉然此可爲智者道難爲俗人言也

諸儒史議

楊雄

問太史遷曰實錄又曰子長多愛愛奇也又曰淮南說之用不如太史公之用太史公聖人有取焉

史略卷一

七十四明藏書

粹圖刊本

班彪

太史令司馬遷採左氏國語刪世本戰國策據楚漢列國時事上自黃帝下訖獲麟作本紀世家列傳書表凡百三十篇而十篇缺焉遷之所紀從漢元至武則絕其功也至於採經摭傳分散百家之事甚多疎略不如其本務欲以多聞廣載爲功論議淺而不篤其論術學則崇黃老而薄五經序貨殖則輕仁義而羞貧窮道游俠則賤守節而貴俗功此其大敝傷道所以遇極刑之咎也然善述序事理辯而不華質而不俚文質相稱蓋耳

史之才也誠令遷依五經之法言同聖人之是非意亦庶幾矣夫百家之書猶可好也左氏國語世本戰國策楚漢春秋太史公書今之所以知古後之所由觀前聖人之耳目也司馬遷序帝王則曰本紀公侯傳國則曰世家卿士特起則曰列傳又進項羽陳涉而黜淮南衡山細意委曲條例不經若遷之著作採獲古今貫穿經傳至廣博也一人之精文重思煩故其書刊落不盡尙有盈辭多不齊一若序司馬相如舉郡縣著其字至蕭曹陳平之屬及董仲舒竝時之人不記其字或縣而不

宋各卷一

八四明叢書

約圖辨本

郡者蓋不暇也今此後篇慎覈其事整齊其文不爲世家唯紀傳而已傳曰殺史見極平易正直春秋之義也

班固

太史公父子相繼養其職上記軒轅下至於茲著十二本紀作十表八書三十世家七十列傳凡百三十篇五十二萬六千五百字成一家言

二

贊曰自古書契之作而有史官其載籍博矣至孔氏養之上繼唐堯下訖秦繆唐虞以前雖有遺文其語不經

故言黃帝顓頊之事未可明也及孔子因魯史記而作春秋而左丘明論輯其本事以爲之傳又獲異同爲國語又有世本錄黃帝以來至春秋時帝王公侯卿大夫祖世所出春秋之後七國並爭秦兼諸侯有戰國策漢興伐秦定天下有楚漢春秋故司馬遷據左氏國語采世本戰國策述楚漢春秋接其後事訖于大漢其言秦漢詳矣至於采經摭傳分散數家之事甚多疎略或有低悟亦其涉獵者廣博貫穿經傳馳騁古今上下數千載間斯已勤矣又其是非頗繆於聖人論大道則先黃

史記卷一

九十四明藏書

約園刊本

老而後六經序游俠則退處士而進姦雄述貨殖則崇執利而羞賤貧此其所蔽也然自劉向楊雄博極羣書皆稱遷有良史之材服其善序事理辯而不華質而不俚其文直其事核不虛美不隱惡故謂之實錄嗚呼以遷之博物洽聞而不能以知自全旣陷極刑幽而發憤書亦信矣迹其所以自傷悼小雅菴伯之倫夫唯大雅旣明且哲能保其身難矣哉

二

文章則司馬遷相如

公孫弘傳贊

又曰遷著書成一家言揚

名後世至以身陷刑之故及微文譏刺貶損當世

與引序

范曄

司馬遷著史記自太初以後闕而不錄後好事者頗或綴集時事然多鄙俗不足以踵繼其書

班彪傳

劉昭

司馬遷作史記爰建八書班固因廣是曰十志天人經緯帝政紘維區分原奧開廣著述創藏山之祕書肇刊日之遐貫誠有繁於春秋亦自敏於改作又曰遷有承考之言固深資父之力又曰昔褚先生補子長之削少

史略卷一

十四明藏書

物園刊本

馬氏接孟堅之不畢相成之義古有之矣

補後漢書志序

張輔晉

司馬遷之著述辭約而事舉敘三千年事唯五十萬言班固敘二百年事乃八十萬言煩省不同不如遷一也良史述事善足以獎勸惡足以鑒戒人道之常中流小事亦無取焉而班皆書之不如遷二也毀貶朝錯傷忠臣之道不如遷三也遷既造創固又因循難易益不同矣又遷爲蘇秦張儀范雎蔡澤作傳逞辭流離亦足以明其大才故述辯士則藻辭華麗敘實錄則隱核名檢

此所以遷稱良史也

葛洪

遷發憤作史記其以伯夷居列傳之首以其善而無報也爲項羽本紀以據高位者非關有德也及其敘屈原賈誼辭旨抑揚惡事不避亦一代之偉才作景帝本紀極言其短及武帝之過帝怒而削去坐舉李陵降匈奴下遷蠶室有怨言下獄死宣帝以其官爲太史令行太史公而已魏志載明帝問王肅司馬遷以受刑之故內懷隱切著史記非貶孝武令人切齒故永平十七年詔曰司馬遷著書成一家言揚名後世至以身陷刑之故微文諷刺貶損當代蓋爲此也

裴駟

班固有言曰司馬遷據左氏國語采世本職國策述楚漢春秋接其後事訖於大漢其言秦漢詳矣至於采經摭傳分散數家之事甚多疏略或有抵牾亦其所涉獵者廣博貫穿經傳馳騁古今上下數千載間斯已勤矣又其是非頗謬於聖人論大道則先黃老而後六經序游俠則退處士而進姦雄述貨殖則崇執利而羞貧賤

此其所蔽也然自劉向楊雄博極羣書皆博遷有良史之才服其善序事理辯而不華質而不佞其文直其事核不虛美不隱惡故謂之實錄駟以爲固之所言世稱其當雖時有紕繆實勒成一家總其大較信命世之宏才也考校此書文句不同有多有少莫辯其實而世之或者定彼從此是非相質眞僞舛雜故中散大夫東莞徐廣研核眾本爲作音義具列異同兼述訓解粗有所發明而殊恨省略聊以愚管增演徐氏采經傳并百家先儒之說豫是有益悉皆鈔內刪其游辭取其要實或

義在可疑則數家兼列漢書音義稱臣瓚者莫知氏姓今直云瓚曰又都無姓名者但云漢書音義時見微意有所裨補譬疇星之繼朝陽飛塵之集華嶽以徐爲本號曰集解未詳則闕弗敢臆說人心不同聞見異辭班氏所謂疏略抵牾者依違不悉辨也愧非胥臣之多聞子產之博物妄言末學蕪穢舊史豈足以關諸畜德庶賢無所用心而已

使陳壽不美於史遷固之罪也裴晞曰何謂也子曰史

之失自遷固始也記繁而志寡又曰遷固而下述作何其紛紛也王氏中說謂陳壽有志於史依大議而削異史消其淺近而不學疏略而輕信恐皆非知太史公者後學未以爲然也

司馬貞

史記者漢太史司馬遷父子之所述也遷自以承五百之運繼春秋而纂是史其褒貶覈實頗亞於丘明之書於是上始軒轅下訖大漢作十二本紀十表八書三十系家七十列傳凡一百三十篇始變左氏之體而年載悠逸簡冊闕遺勒成一家其勤至矣又其屬彙先據左

氏國語系本戰國策楚漢春秋及諸子百家之書而後貫穿經傳馳騁古今錯綜隱括各使成一國一家之事故其意難究詳矣比於班書微爲古質故漢晉名賢未知見重所以魏文侯聽古樂則唯恐臥良有以也逮至晉末有中散大夫東莞徐廣始考異同作音義十三卷宋外兵參軍裴駟又取經傳訓釋作集解合爲八十卷雖粗見微意而未窮計論南齊輕車錄事鄒誕生亦作音義三卷音則微殊義乃更略爾後其學中廢貞觀中諫議大夫崇賢館學士劉伯莊達學宏才鉤深探賾又

作音義二十卷比於徐邈音則具矣殘文錯節異旨微
義雖知獨善不見傍通欲使後人從何准的貞謏聞陋
識頗事鑽研而家傳是書不敢失墜初欲改更舛錯稗
補疏遺義有未通兼重注述然以此書殘缺雖多實爲
古史忽加穿鑿難允物情今止探求異聞採摭典故解
其所未解申其所未申者釋文演注又重爲述贊凡三
十卷號曰史記索隱

劉伯莊

班固云司馬遷據左氏國語采系本戰國策述楚漢春

史略卷一

十四四明叢書

約圖刊本

秋接其後事訖于天漢左氏者謂左丘明爲春秋經作
傳三十篇其中記三皇五帝三王五伯卿大夫士等居
處族系之事也國語者亦左丘明所撰起周穆王訖敬
王之末又記諸侯等事起魯莊公訖春秋末系本者劉
向云古史官明於古事者之所記錄黃帝顓頊帝侖堯
舜夏殷周至時王依及諸國系卿大夫名號卽太史公
所取爲本紀系家戰國策者記春秋之後七國戰爭之
事以東西周爲首而及中山之國其間戰鬪征伐謀臣
說士從橫之策也楚漢春秋者陸賈所記起項氏漢高

訖漢文帝中間諸呂用事故名楚漢春秋訖于天漢者
自漢家太史所記高惠呂后文景及武帝天漢諸年之
事也

韓愈

司馬遷相如董生楊雄劉向之徒尤所謂傑然者也

柳宗元

參之太史以著其潔

答韋中立書

又曰峻如馬遷

劉知幾

古者刊定一史纂成一家體統各殊指歸咸別史記則

史略卷一

十五四明叢書
續圖刊本

退處士而進姦雄漢書則飭忠臣而言主闕斯並義賢
得失之例良史是非之準作者言之詳矣

白居易

談之書遷能修之彪之書固能終之

皇甫湜

古史編年至漢史司馬遷始更其制而爲紀傳相承至
今無以移出太古之軌鑿無窮之門作爲紀傳世家表
志首尾具敘錄表裏相發明庶爲得中以是無愧太初
已來千有餘歲史臣接躅文人比踵卒不能有所改張

奉而遵行傳以相授斯亦奇矣

鄭覃

唐太宗言司馬遷與任安書辭多怨懟故武帝本紀多失實鄭覃曰武帝中年大發兵事邊生人耗瘁府庫殫竭遷所述非過言

鄭覃傳

殷侗

三史爲書勸善懲惡亞於六經

高佑 元魏人

司馬遷班固皆博識大才論敘古今曲有條章

史略卷一

十六四明藏書

約圖刊本

崔鴻 北史

談遷感漢德之盛痛諸史放絕乃鈐括舊書著成太史

續史記

按漢藝文志有馮商所續太史公七篇韋昭曰馮商受詔續太史公十餘篇在班彪別錄商字子高師古曰七略云商陽陵人治易事五鹿充宗後事劉向能屬文與孟柳俱待詔頗序列傳未卒病死

史記注

裴駭史記注

八十卷宋南中郎外兵參軍字龍駒河東人先是徐廣作音義辨諸

家異同類
乃集之

許子儒史記注

一百三十卷字文舉叔牙子也證聖天官侍郎

王元感史記注

一百三十卷鄆城人爲時儒宗徐堅劉知幾薦之爲崇賢館學

七

陳伯宣史記注

一百三十卷今存入十七卷貞元中上

徐堅史記注

一百三十卷字元固唐集賢院學士齊暉之子議者以堅文字如漢

班氏

李鎮史記注

一百三十卷開元十七年上授門下曲儀

石史記注六家今學者所見者裴氏注而已茲用著見

史略卷一

十七四明藏書

約圖刊本

於此

先公史記注

一百三十卷

似孫敘曰經始乎仲尼終乎仲尼傳疏始乎王弼孔安國鄭玄終乎顏師古孔穎達史始乎太史公終乎太史公史注始乎崔駰司馬貞張守節終乎先公太史然則孰爲始孰爲終哉言其始則前乎此孰可作也言其終則後乎此孰可繼也嗚呼此其所以爲事之極功之至者乎太史公述陶唐以來至于麟止自黃帝始作本紀十二表十書八世家三十列傳七十爲篇百三十爲字

五十二萬六千五百爲太史公書先公太史推本經傳
旁羅百氏錯綜羣言凡五百萬言爲太史公書注嗚呼
繇典謨而知堯舜禹因誓誥而推夏商周無非辛甲典
商史也無非史佚典周史也史無完史孰考孰稽太史
公鑿天之初究古之闕成仲尼之所俟涉獵貫穿馳騁
古今數千載間前乎所未有後乎所不得及此其所以
成始成終乎先公太史深憫夫自劉向楊雄僅稱遷有
太史才班固之論昧乎求備是豈知太史公萬分一者
又悼夫司馬貞張守節之傳此書者往往背本而從末

史略卷一

十一四明叢書
約園刊本

疏古而略今亦未足以表章太史公之志極意覃思盡
力此書積功二十年史注始成足以答太史公之所望
似孫不肖獲承先人緒業唯念太史公執遷手泣曰子
死毋忘吾所論著爾其念哉遷俯首流涕曰小子不敏
請悉論先人所次舊聞不敢闕先公既絕筆乃悉整以
論正與太史公書並傳藏之名山副在京師以俟後聖
君子

史記雜傳

司馬貞史記案隱

三十卷貞以徐廣裴驥鄭誕
生劉伯莊音釋疏外別加考

摭作此書
系以述贊

張守節正義

三十卷唐開元中諸王侍讀采諸家訓釋爲此書

劉伯莊史地名 二十卷

寶羣史記名臣疏 三十四卷

裴安時史記纂訓 二十卷字適之
大中江陵少尹

李鎮史記義林 二十卷曾
注史記

石史記雜傳六家又有葛洪史記鈔十四卷擷其精語
者衛楓史要十卷約其要言以類相從者張瑩史記正
傳九卷蓋瑩所自作惟唐韓琬續史記一百三十卷乃
接史記以來事止於唐功亦偉矣

史記者

譙周古史考 二十五卷

史考蜀譙周所作周以司馬遷史記書周秦以上或採
俗語百家之言不專據正經於是作古史考十五篇皆
懸舊典以糾遷之謬誤晉司馬彪復以周爲未盡善也
條古史考中凡百二十二事爲不當多據汲冢紀年之
義亦行於世 見司馬彪傳 古書有周考七十六篇顏師古曰
考周事也譙之名書蓋取此周又著法訓八卷五教志

五卷後爲晉義陽亭侯考

考中載呂不韋爲秦子楚行千金貨於華陽夫人請立子楚爲嗣及子楚立封不韋洛陽十萬戶號文信侯以詐獲爵故曰竊也其所紀往往如此

江南古本史記傳考

江南史記爲唐舊本但存列傳而已其間有字誤者有字多者有字少者有脫百餘字者有一字之間義致大不同者是爲天下奇書初上蔡謝氏有錄本今略掇數字予以見古本之精妙也

史略卷一

二十四明叢書

約圖刊本

伯夷傳

今本得孔子而益章

江南本曰得孔子而名益章

管晏傳

管仲得用任於齊

江南本曰管仲得用任政於齊

老韓傳

君子得其人則駕不得其人則蓬

江南本人字並作時

莊子傳

申不害京人也

江南本曰荆人也

司馬穰苴傳

軍法期而後者云何

江南本曰期而後至

右江南本同異凡四千三百五十條今略舉四五端一字之間意味固自不同最如刺客傳云劍堅故不可拔而江南本作劍豎尤爲有旨劍堅安得不可拔耶

史記音

徐廣音義

十二卷宋中散大夫字野氏東莞人劉伯莊曰徐中散音訓亦有汎說餘

本異同故稱一本自是別記異文了非解釋史義而裴氏並引爲注稍似繁雜

許子儒音

三卷曾注史記

史記卷一

二十四明儀書
約園刊本

鄒誕生音

三卷梁人

劉伯莊音

二十卷

史略卷二

宋鄞縣高似孫續古撰

漢書

顏師古漢書注例

顏師古漢注所引書

漢書注

漢書考

漢書雜考

漢書音義

史略卷二

一四明叢書
約園刊本

漢書諸家本

後漢書

後漢書注

後漢書考

後漢書音

三國志

魏氏別史

魏志音

蜀別史

吳別史

晉書

唐御撰晉書

晉書注

晉書音

宋書

齊書

齊別史

梁書

史略卷二

陳書

後魏書

北齊書

後周書

隋書

唐修隋書

唐書

皇宋修唐書

唐書考

二四明叢書
約圖刊本

於六世史臣乃追述功德私作本紀編於百王之末則於秦項之列太初以後闕而不錄故探撰前紀綴集所聞以爲漢書起于高祖終于孝平王莽之誅十有二世二百三十年綜其行事旁貫五經上下洽通爲春秋考紀表志傳凡百篇固自永平中始受詔潛精積思二十餘年至建初中乃成當世甚重其書

東觀漢記

時人有上言班固私改作史記詔下京兆收繫固弟超詣闕上書具陳固不敢妄作但續父所記述漢事

史略卷二

四四明叢書
約圖刊本

司馬彪後漢書

班固字孟堅右扶風人幼有雋才學無常師善屬文經傳無不究覽彪撰後漢書世不復見今錄其傳孟堅者於此

張輔

司馬遷之著述辭約而事舉敘三千年事唯五十萬言班固敘二百年事乃八十萬言煩省不同不如遷一也良史述事善足以獎勸惡足以鑒誡人道之常中流小事亦無取焉而班皆書之不如遷二也毀貶朝錯傷忠

臣之道不如遷三也遷既造創固又因循難易益不同矣又遷爲蘇秦張儀范雎蔡澤作傳逞辭流離亦足以明其大才故述辯士則藻辭華靡敘實錄則隱核名檢此所以遷稱良史也

范曄

贊曰司馬遷班固父子其言史官載籍之作大義粲然者矣議者咸稱二子有良史之才遷文直而事覈固文贍而事詳若固之敘事不激詭不抑抗贍而不穢詳而有體使讀之者壹暨而不厭信哉其能成名也彪固譏遷以爲是非頗謬於聖人然其論議常排死節否正直而不敘殺身成仁之爲美則輕仁義賤守節愈矣固傷博物洽聞不能以智免極刑然亦身陷大戮智及之而不能守之嗚呼古人所以致論於目睫也

顏師古漢書注例

漢書舊無注解唯服虔應劭等各爲音義自別施行至典午中朝爰有晉灼集爲一部凡十四卷又頗以意增益時辯前人當否號曰漢書集注屬永嘉喪亂金行播遷此書雖存不至江左是以爰自東晉迄于梁陳南方

學者皆弗之見有臣瓚者莫知氏族考其時代亦在晉初又總集諸家音義稍以己之所見續廁其末舉駁前說喜引竹書自謂甄明非無差爽凡二十四卷分爲兩帙今之集解音義則是其書而後人見者不知臣瓚所作乃謂之應劭等集解王氏七志阮氏七錄並題云然斯不審耳學者又斟酌瓚姓附著安施或云傅族旣無明文未足取信蔡謨全取臣瓚一部散入漢書自此以來始有注本但意浮功淺不加隱括屬輯乖舛錯亂實多或乃離析本文隔其辭句穿鑿妄起職此之由與未注之前大不同矣謨亦有兩三處錯意然於學者竟無弘益

漢書舊文多有古字解說之後屢經遷易後人習讀以意刊改傳寫旣多彌更淺俗今則曲覈古本歸其真正一往難識者皆從而釋之古今異言方俗殊語末學庸受或未能通意有所疑輒就增損流遞忘返穢濫實多今皆刪削克復其舊諸表列位雖有科條文字繁多遂致舛雜前後失次上下乖方昭穆參差名實虧廢今則尋文究例普更刊正澄蕩

愆違審定阡陌就其區域更爲局畧非止尋讀易曉庶
令轉寫無疑

禮樂歌詩各依當時律呂修短有節不可格以恆例讀
者茫昧無復識其斷章解者支離又乃錯其句韻遂使
一代文采空韞精奇累葉鑽求罕能通習今並隨其曲
折剖判義理歷然易曉更無疑滯可得諷誦開心順耳
凡舊注是者則無間然具而存之以示不隱其有指趣
略舉結約未伸衍而通之使皆備悉至於說文僻見越
理亂眞匡而矯之以祛惑蔽若汎說非當蕪辭競逐苟

宋書卷二

七十四明嚴書

約圖刊本

出異端徒爲煩冗祇穢篇籍蓋無取焉舊所闕漏未嘗
解說普更詳釋無不治通上考典稽旁究蒼雅非苟臆
說皆有援據六藝殘缺莫覩全文各自名家揚鑣分路
是以向歆班馬仲舒子雲所引諸經或有殊異與近代
儒者訓義弗同不可追駁前賢妄指瑕類曲從後說苟
會局途今則各依本文敷暢厥指非不考練理固自然
亦猶康成注禮與其書易相偕元凱解傳無係毛鄭詩
文以類而言其意可了爰自陳項以訖哀平年載旣多
綜緝斯廣所以紀傳表志時有不同當由筆削未休尚

遺批碑亦爲後人傳授先後錯雜隨手率意遂有乖張
今皆窮波討源構會甄釋

字或難識兼有借音義指所由不可暫闕若更求諸別
卷終恐廢於披覽今則各於其下隨即翻音至如常用
可知不涉疑昧者眾所共曉無煩翰墨

近代注史競爲該博多引雜說攻擊大文至有詆訶言
辭掎摭利病顯前修之紕僻騁己識之優長乃効矛盾
之仇讐殊乖粉澤之光潤今之注解翼贊舊書一遵軌
轍閉絕歧路諸家注釋雖見名氏至於爵里頗或難知
傳無所存具列如左

史略卷二

八四明叢書
刑部刊本

二

初漢服虔等爲音義又有晉灼臣瓚等說應劭亦爲集
解而蔡謨復附註之正觀中太子承乾命師古哀集眾
說師古叔游嘗撰漢書決疑乃因其舊而作今注時號
師古爲班固忠臣師古名籀京兆人

荀悅

字仲預穎川人
後漢祕書監

服虔

字子愷梁陽人後漢尚書侍郎高平令
九江太守初名重改名祿後定名虔

應劭

字仲緩一字仲遠汝南
南頓人後漢泰山太守

伏儼字景宏

琅邪人

劉德北海人

鄭氏晉灼音義序曰不知其名而臣瓚集解輒云鄭德既無所據今依晉灼但曰鄭氏景

祐余靖校本云鄭氏舊傳晉灼集注云北海人不知其名而臣瓚以為鄭德今書但稱鄭氏

李斐不詳所出郡縣

李奇南陽人

鄧展南陽人魏建安中為奮威將軍封高樂鄉侯

文穎字叔良南陽人後漢末荆州從事魏建安中為甘陵府丞

宋略卷二

九四明叢書

張揖字稚讓清河人一云河間人魏太和中為博士止解司馬相如一傳似孫曰司馬相

如一傳最難注子嘗注此傳大費工力○張揖曾作博雅通於名物所以止注此傳

蘇林字孝友陳留外黃人魏給事中領祕書監散騎常侍黃初中遷博士封安成亭侯

張晏字子博中山人

如淳馮翊人魏陳郡丞

孟康字公休安平廣宗人魏散騎侍郎弘農太守散騎常侍中書令封廣陵亭侯

項昭不詳何郡縣人

韋昭字弘嗣吳郡雲陽人吳尚書郎太史令中書僕射封高陵亭侯

晉灼河南人晉尚書郎

和國刊本

劉寶

字道真高平人晉中書郎御史中丞安

臣瓚

師古曰不詳景祐余靖校本云臣瓚不知何姓案裴駮史記序云莫知氏姓韋稜續

訓亦言未詳劉孝標類苑以為于瓚鄭元注

水經以為薛瓚姚察訓纂云案庾翼集于瓚

為翼主簿兵曹參軍後為建威將軍晉中興

書云翼病卒而大將于瓚等作亂翼長史江

彭誅之子瓚乃是翼將不載有注解漢書然

亂溼滅不傳江左而高紀中瓚案茂陵書文

紀中案漢祿秩合此二書亦復亡失不得過

江明此瓚是晉中朝人未喪亂之前故得具

見先輩音義及茂陵書漢令等耳蔡謨之江

左以瓚二十四卷散入漢書今之注也若謂

為于瓚乃是東晉人年代前後了不相會此

瓚非于足可知矣又案穆天子傳目錄云祕

書校書郎中傅瓚校今漢書音義臣瓚所案

史略卷二

十四明叢書

約園刊本

多引汲書以駁眾家訓義此瓚疑是傅瓚瓚時職典校書故稱臣也師古又曰後人斟酌瓚姓附之傳族耳既無明文未足取信

郭璞

字景純河東人晉弘農太守止注相如傳序及遊獵詩序

蔡謨

字道明陳留考城人東晉侍中五兵尚書贈司空諡文穆公

崔浩

字伯深清河人後魏侍中撫軍大將軍封東郡公撰漢紀音義景祐校本作伯淵

顏氏所注重複

顏氏所注評覈諸家最為詳的然有無俟音詰失之尤

贅者字之初見既已加釋自此而下不必再舉矣試撥

其重複大甚者如鄉讀曰嚮解讀曰懈與讀曰豫雍讀

曰壅道讀曰導絲讀曰徭畜讀曰蓄視讀曰示艾讀曰
父說讀曰悅竟讀曰境飭與勅同絲與由同毆與驅同
晦與暗同婁古屢字墜古地字饑古餉字犇古奔字之
類何啻百數皆過於複且重者又如休者美也蕃者多
也烈者業也稱者副也靡者無也滋者益也圖者謀也
耗者減也貸者假也卒者終也悉者盡也給者足也履
者漸也以上字義初非深隱何必重出往往再見於一
板之內如此繁雜不可勝載又如豁仇恢坐邾陝治脫
攘劫亘緇頹擅酣倅重周俞選等字亦用切脚可以省

史略卷二

丁二

矣又如項羽一傳伯讀曰霸凡四言之若相國何相國
參太尉勃太尉亞夫丞相平丞相吉亦注爲蕭何曹參
三代必曰夏商周威文顏閔必曰齊威晉文顏淵閔子
騫讀是書者要非童蒙豈不曉是哉顏氏敘例云至如
常用可知不涉疑昧者眾所共曉無煩翰墨殆反是矣
志中尤爲叢脞以此知漢書注亦用修整一番乃佳

御詮定漢書 八十七卷

唐高宗與郝處俊等議

漢書注

晉灼漢書集注 十三卷

敬播漢書注 四十卷

陸澄漢書注 一卷齊光祿大夫

右漢書注凡三家師古所引者晉灼而已

漢書考

劉寶漢書駁義 二卷晉安北將軍

姚察漢書定疑 二卷陳吏部尙書

顏游秦漢書決疑 十二卷

李喜漢書辨惑 三十卷

史略卷二

前漢考異 一卷失姓氏

漢書雜傳

姚察漢書訓纂 三十卷

姚察漢書集解 一卷

元懷景漢書議苑 開元右庶子諡日文

姚班漢書紹訓 四十卷

諸葛亮論前漢事 一卷

陸澄漢書新注 一卷

韋稜漢書續訓 三卷梁北平諮議參軍

項岱漢書敘傳

五卷

務靜漢書正義

二十卷唐僧

顏胤漢書集義

二十卷

沈遵漢書問答

五卷

漢疏四卷

梁有漢書音九卷梁孝標注漢書一百四十卷陸澄注漢書一百二卷梁

元帝注漢書

百十五卷今亡

右漢考五家雜傳十二家深稽而詳訂互有可攷古之史出於一人之手尙有差謬以俟刊辨況後之爲史者

耶

史略卷二

十三四明叢書
約圖刊本

漢書音義

應劭音義 二十四卷

服虔音訓 一卷

韋昭音義 七卷

劉顯音 二卷宋潯陽太守

夏侯詠音 二卷

蕭該音義 十二卷國子博士

包愷音 十二卷廢太子
勇命包愷等

孟康音義 九卷

諸葛亮音 一卷

晉灼音 七卷

崔浩音 一卷

劉嗣音義 二十六卷

敬播音義 十二卷

孔文祥音義鈔 一卷

陰景倫律歷志音 一卷

劉伯莊音義 二十卷

右音義十六家師古所援引者五家如蕭該音義最爲

史略卷二

十四四明叢書

一約園刊本

精詳而師古遺之先儒頗謂師古於該議論矛盾故所不錄以是知書之遺落者蓋不止此而已其後於師古者固不論也

漢書諸家本

宋景文公補參校凡用諸本

古本顏師古未注以前本

唐本張唐公家所得唐本

江南本金披遺字云太祖平江南賜本院書二千卷皆紙札精妙東原樂氏私記云江南本宣和間出在御府故流傳人間初外氏

先君丁常禕通籍睿思殿因見江南本愛賞

之無緣借出參校遂以薄紙分手抄錄及歸各寫於家幾年而後畢

舍人院本江南本在舍人院

淳化本國朝會要曰淳化五年七月詔選官分校史記前後漢命陳充阮思道尹少連

趙況趙安仁孫何校前後漢校畢遣內侍裴愈賫本就杭州鑲板

景德監本國朝會要曰咸平中眞宗命刁衍晁迥丁遜覆校兩漢書板本迥知制誥

以陳彭年同其事景德二年七月衍等上言漢書歷代名賢注釋至有章句不聞名氏交

錯除無考據外博訪羣書徧觀諸本校定凡三百四十九卷簽正二千餘字錄爲六卷以

進

景祐刊誤本景祐元年祕書丞余靖上言國子監所印兩漢書文字舛僞恐誤後

史略卷二 十五四明叢書 約園刊本

學臣參括眾本旁據他書列而辨之望行刊正詔送翰林學士張觀等詳定聞奏又命國

子監直講王洙與靖偕赴崇文院讐對二年九月校書畢凡增七百四十一字損二百一

十二字改正一千三百三十九字

又有我公本今不詳燕國本曹大家本陽夏公何人

本晏本郭本姚本浙本閩本其外又有熙寧本

熙寧二年參知政事趙抃進新校漢書五十冊及陳繹所著是正文字七卷宣和本

宣和六年張集賢本張瓌得唐國子監本世本校

後漢書

宋太子詹事范曄撰曄字蔚宗順陽人元嘉中左遷宣

城太守不得志乃刪眾家後漢書爲一家史紀十志十傳八十凡百篇

二

范曄既造後漢轉得統緒詳觀古今著述及評論殆少可意者班氏最有高名旣任情無例不可甲乙辨後贊於理近無所得唯志可推耳博瞻可不及之整理未必愧也吾雜傳論皆有精意深旨旣有裁味故約其辭句至於循吏以下及六夷諸序論筆勢縱放實天下之奇作其中合者往往不減過秦篇嘗其比方班氏所作非

宋書卷二

十六四明叢書
續編卷本

但不愧之而已欲徧作諸志前漢所有者悉合備雖事不必多且使見文得盡又欲因事就卷內發論以正一代得失意復未果贊自是吾文之傑思殆無一字空設奇變不窮同合異體乃自不知所以稱之此書行故應有賞音者紀傳例爲舉其大略耳細意甚多自古體大而思精未有此也

宋書傳

三

曄元嘉元年左遷宣城太守不得志乃刪眾家後漢書爲一家之作至於屈伸榮辱之際未嘗不刻意焉自序

略曰吾少嫺學問年三十許始有尙爾既造後漢博得
統緒詳觀古今著述及評論殆少可意者班氏最有高
名既任情無例唯志可推爾博贈可不及之整理未必
愧也吾雜傳論皆有精意深旨至於循吏以下及六夷
諸序筆勢縱放實天下之奇作其中合者往往不減過
秦篇嘗其比方班氏所作非但不愧之而已贊自是吾
文傑思殆無一字空設奇變不窮同合異體乃自不知
所以稱之此書行故應有賞音者紀傳例爲舉其大略
耳諸細意甚多自古體大而思精未有此也恐世人不
能盡知貴古賤今所以稱情狂言爾范曄之傳其失尤
多若薛宣之忠毅而概之以酷吏鄭眾之嚴明直諫而
概之以宦者蔡琰忍恥妻胡概之烈女王稚深仁厚義
概之獨行若此之類眾矣

南史

四

范曄在獄中與諸甥姪書曰吾既造後漢詳觀古今著
述及評論殆少可意者班氏最有高名既任情無例不
可甲乙唯志可推耳博贈可不及之整理未必愧也吾
雜傳論皆有精意深旨至於循吏以下及六夷諸序論

筆勢縱放實天下之奇作其中合者往往不減過秦篇
嘗其比方班氏所作非但不愧之而已贊自是吾文之
傑思殆無一字空設奇變不窮同合異體乃自不知所
以稱之此書行故應有賞音者自古體大而思精未有
此也曄之言張詡如此自謂可過班固觀其所著序論
如鄧禹竇融馬援班超郭泰諸篇略具氣象然亦何能
企固萬一耶

後漢書

謝承後漢書 一百三十卷又錄一卷
無帝紀吳武陵太守

史略卷二

十八四明叢書

約圖刊本

司馬彪續漢書

八十三卷晉祕書監字紹統高
陽王睦之長子專精學習博覽

羣籍以漢氏中興訖于建安忠臣義士亦以
昭著而時無良史記述煩雜周雖已刪除
然猶未盡安順以下亡缺者多彪乃討論眾
書綴其所聞起於世祖終於孝獻編年二百
錄世十二通綜上下旁貫庶
事凡八十篇號曰續漢書

劉義慶後漢書

五十八卷

華嶠後漢書

九十七篇唐得三十一卷晉少卿
字叔駿才學深博博聞多識屬書

典實有良

史之志

謝沈後漢書

一百二十二卷又外傳十卷字行
思晉祠部郎首史曰沈著後漢書

才學在虞預之右何
充庾冰稱其有史才

薛瑩後漢書一百卷晉

散騎常侍

袁崧後漢書一百一卷又錄一卷晉祕書監

袁喬之子博學有文章著後漢

書百篇

蕭子顯後漢書

一百卷梁有隋亡梁吏部尚書爲吳興太守字景陽

按後漢明帝詔班固陳宗尹敏孟冀撰世祖本紀及建武功臣傳又詔劉珍李尤等撰建武以來至永初紀傳又詔伏無忌黃景作諸王恩澤侯及單于西羌地理志邊韶崔寶朱穆曹壽作皇后外戚傳百官表順帝功臣傳凡百十四篇曰漢記嘉平中馬日磾蔡邕楊劇盧植

史略卷二

十九四明叢書

欽定四庫全書

又續漢記至吳謝承作漢書司馬彪作續漢書華嶠謝沈袁崧又作後漢書往往皆因漢記之舊爲之是固爲有所據依而擘史又出於諸史之後尤爲有據依者乎本朝劉攽嘉祐八年奉詔與錢藻楊褒姜潛麻延年李寶劉仲章刊正定漢書後二年皆遷他官唯攽卒業乃悉增損刊改及正定字畫集爲一書

二

謝承司馬彪薛瑩謝沈後漢書先儒最稱其精今是書不復可見乃略采其精語一二謝承史云徐孺子清妙

高峙超世越俗司馬彪史云蔡伯喈通達有雋才博學
善屬文仗藝術數無不精練郭林宗處約味道不改其
樂李元禮曰吾見士多矣無如林宗者也及卒蔡伯喈
爲作碑曰吾爲人作銘未嘗不有慙容唯郭有道碑頌
無愧耳薛瑩史云李元禮抗志清妙有文武雋才又曰
李膺王暢荀綰朱寓魏朗劉祐杜楡趙典爲八俊謝沈
史曰俊者卓出之名也諸人史句如此可曰精矣

後漢書注

劉昭補注後漢書 三十卷

卷二

二十四明叢書
續編刊本

初范曄令謝儼譔後漢書志搜次垂舉會曄伏誅儼悉
蠟以覆車一代爲恨梁世劉昭得舊志乃補注爲三十
卷昭字宣卿平原人爲臨川王記室

唐章懷太子注

唐章懷太子賢招集一時學士右庶子張太安洗馬劉
訥言洛州司戶革希玄學士許叔牙成玄一史藏諸周
贊寧輩同爲注儀鳳中奏上

後漢書雜傳

王韶後漢林 一百卷

謝沈後漢書外傳 十卷

後漢書考

劉攽東漢刊誤

嘉祐七年前上讀後漢書見墾田字皆作懇字勅侍臣傳
詔中書使正之時劉攽爲國子監直講奉詔與錢藻楊
褒姜潛麻延年李實劉仲章分校後二年皆遷他官攽
獨卒業攽云此書自三館及民家無他好本率以己意
定之學者且疑其不然雖攽亦未敢必

後漢書音

史略 卷二

三十四明疏
約圖刊本

韋闢音 一卷

劉芳音 一卷後魏太常

韋機音 二十七卷

臧隸音 三卷陳崇道先生

蕭該音 三卷

三國志

魏國志 三十卷

蜀國志 十五卷

吳國志 十卷

晉太子庶子陳壽誤壽字承祚巴西人凡魏紀四傳四
十吳傳二十蜀傳十五時人稱其善敘事宋文帝嫌其
略命國子博士裴松之補注鳩集傳記增廣異聞輯爲
一書既成奏之上覽之曰裴世期爲不朽矣松之字世
期河東人陳壽謬吳蜀三國志凡六十五篇時人稱
其善敘事有良史之才夏侯湛時著魏書見壽所作便
壞已書而罷張華深善之謂壽曰當以晉書相付耳或
云丁儀丁廙有盛名於魏壽謂其子曰可覓斛米見
與當爲傳公作佳傳丁不與之竟不爲立傳壽父爲馬

史記卷二

三十四

護參軍護爲諸葛亮所誅壽父亦坐被髡諸葛瞻又輕
壽爲亮立傳謂亮將略非長無應敵之才言瞻惟工書
名過其實議者以此少之

二

何書郎范頽表曰治書侍御史陳壽作三國志辭多勸
誠明乎得失有益風化雖文豔不及相如而質過之願
垂採錄詔河南尹洛陽令就家寫其書壽又撰古國志
五十篇益都耆舊傳十篇餘文章傳於世

三

崔浩之毛循之中國舊人雖學不博洽而猶涉獵書傳每與論說遂及陳壽三國志有古良史之風其所著述文義典正皆揚於王庭之言微而顯婉而成章班史以來無及壽者循之曰昔在蜀中聞長老言壽曾爲諸葛門下書佐得撻百下故其論武侯云應變將略非其所長浩乃與論曰夫亮之相劉備當九州鼎沸之會英雄奮發之時君臣相得魚水爲喻而不能與曹氏爭天下委弃荊州退入巴蜀誘奪劉璋僞連孫氏守窮崎嶇之地僭號邊夷之間此策之下者可與趙它爲偶而以爲

史略卷二

二十三

四明叢書
約園刊本

蕭曹亞匹不亦過乎謂壽貶亮非爲失實

後魏書

西

自司馬氏史至五代史數千百年正統偏霸與夫僭竊亂賊甚哀至微之國雖如夷狄而史未有不壽其國號者陳壽志三國乃獨不然劉備父子在蜀四十餘年始終號漢是豈可以蜀名哉其曰蜀者一時流俗之言耳壽乃黜正號而從流俗史之公法國之正統輒皆失之則其所書尙可信乎且是時世稱備爲蜀者猶五代稱李璟爲吳稱劉崇爲晉者耳今五代史作南唐東漢世

家未嘗以吳晉稱史荆公曰五代之事不足書何足煩
公三國可喜事甚多率壞於陳壽公其成之公雖深然
未暇作也予遂作蜀漢書系蜀以漢尚庶幾乎

三國志

漢魏吳蜀舊事 八卷

魏氏別史

魏武本紀年歷 五卷

王沈魏書

四十八卷晉司空字彥伯高平人有俊方沈仕魏正光中遷散騎常侍與荀顛阮籍共撰魏書多爲時諱未若陳壽之實

史略卷二

二十四明叢書

繪圖刊本

魏紀 十二卷左將

軍陰濟撰

魚豢魏略 五十卷

梁肸魏國統 二十卷

何常侍論三國志 九卷

魏末傳 二卷梁有魏
大事隋亡

右魏氏別史五家蓋可與陳壽志參攷而互見者亦一時記載之雋也而魚豢與略特爲有筆力

魏志音

盧宗道音 一卷

蜀別史

元魏李彪嘗言孔明在蜀不以史官留
意今蜀史比魏吳獨疎略其在此乎

王隱刪補蜀記

七卷

吳別史

韋昭吳書 五十五卷殘缺

吳書實錄 三卷

環濟吳紀 十卷晉太學博士

胡沖吳曆 六卷

張勃吳錄 二十卷

魏吳雜史大段壞綴掇其數辭足以知諸公辭藻之競

史略

卷二

三五四列傳書

魏吳別本

秀者魚豢魏略云李安國 魏 識別人物海內注意明帝

得吾降人門江東聞中國名士爲誰以安國對之又云

許士宗 允 少與清河崔贊俱發名於冀州又云阮德如

侃有俊才而飾以名理風儀雅潤與嵇康爲友又云荀

文若 或 爲人英偉折節待士坐不累席其在臺閣間不

以私欲撓意韋昭吳書云諸葛瑾避亂渡江大皇帝取

爲長史遣使蜀但與弟亮公會相見退無私面而又有

容貌思度時人服其弘量環濟吳記云金子黃 珠 有德

行義概又曰張子布 明 忠正有才義張勃吳錄云陸凱

志鯁有大節篤志好學又曰孫策少有雄姿風氣然方
是時士狃乎用史噫乎守幾於國異政家殊俗矣魚豢
而下各書一時之事豈無俟於後人者嗟夫

晉書

王隱晉書

九十三卷隱及郭璞俱爲著作郎撰
晉史時著作郎虞預私撰晉書而生

長東南不知中朝事數訪於隱并借隱所著
書寫之所聞漸廣家貧無資用乃依征西
將軍庾亮於武昌供其紙筆書乃得成詣闕
上之隱雖好著述而文辭鄙拙蕪舛不倫其
書次第可觀者
皆其父所撰也

謝沈晉書 三十卷

史略卷二

三六四明鏡書

虞預晉書

五十八卷晉散騎常侍字叔寧
史云著晉書四十餘卷行於世

朱鳳晉書

十四卷未成訖
元帝晉中書郎

謝承晉書

三十六卷又錄一
卷宋臨川內史

臧榮緒晉書

一百十卷齊
信州主簿

蕭子雲晉書

一百二
卷殘缺

千寶晉書

十二
卷殘缺

沈約晉書

一百十卷梁尚書僕
射字休文吳興人

鄭忠晉書

七卷

右晉人及宋齊人所撰晉書共十家晉之事詳且精矣

又有何法盛

宋河東太守

撰晉中興書七十八卷

起東晉

事有

可稽辭有可述則知唐太宗詔羣臣所撰如之何其不

該且覈而妙於辭製哉徐堅亦曾撰晉書一百十卷

王隱晉書語

元凱智謀淵博明於治亂常稱立憲者非所企及立功立言所庶幾也每有大事輒在將帥之限

王戎少清明澆悟

祖士言最治行操能清言

祖納

嵇廷祖有奇才雋辯

嵇紹

東略卷二

三七

四明叢書
約園刊本

謝沈晉書語

竇武劉淑陳蕃少有高操海內尊而稱之

虞預晉書語

荀公曾十餘歲能屬文外祖鍾繇曰此兒當及其曾祖

荀山季倫平雅有父風

和嶠厚自封植巖然不羣

刁協多所博涉中興制度皆稟於協

溫嶠少標俊清徹英穎

沈約晉書語

周顛王敦素憚之見輒面熱雖復臘月亦扇面不休其憚如此

朱鳳晉書語

元帝獻字景文少而明惠因亂過江起義遂卽位諡法曰始建國都曰元敘事甚簡淨

臧榮緒晉書語

謝叔源善屬文

張孟陽有才華

王正長博學有雋才

史略卷二

三八四明叢書
一約園刊本

石季倫早有智慧

左太冲博覽文史

阮嗣宗容貌瓌傑志氣閑放

晉安帝紀語

江仲凱以義正器素知名當世

江敬

戴安道少有清操惟甚快暢泰於娛生多與風流者游屢辭徵命遂著高尚之稱

義之風骨清舉

右王隱謝沈虞預沈約朱鳳晉書世不可見各錄其境

精一二於前斯足以表諸公才之倚筆之英矣晉安帝紀中句亦甚美併錄之

唐御撰晉書一百三十卷

初晉史十八家太宗以爲未善詔令再撰房玄齡與褚遂良許敬宗奉詔增損以臧榮緒舊書爲本又摭採諸家傳記而益附之爰及晉代文集罔不畢舉命來濟陸元仕劉子翼李淳風李義府薛元超上官儀崔行功辛丘馭劉引之陽仁卿李延壽張文恭分撰令狐德棻敬播李安期李懷儼趙汝智考正類例作紀十志二十列

史略卷二

三五四明叢書

約園刊本

傳七十載記三十合百三十卷史之凡例多出於令狐德棻敬播天文律曆則李淳風專之太宗所著宣武二帝陸機王羲之四論皆稱制焉

晉書注

高希嶠注

一百三十卷開元二十一年上清池注

晉書音

何超音

三卷唐處士

宋書

徐爰宋書

六十五卷宋中散大夫

孫巖宋書 六十五卷齊冠
軍錄事參軍

沈約宋書 一百卷

右宋代史所傳者沈約為最姚察 陳吏部
尚書 稱其高才博

洽名亞遷董蓋一代之英偉焉按齊永明中沈約奉詔

撰為記十志九傳六十合百卷本何承天舊書採山謙

之徐爰蘇寶生諸說號為博洽而志及兼述魏晉論者

以為失於限斷崇文總目闕趙倫之傳一卷今本有之

而到彥之傳卷末殘缺又有王智深梁人著宋書六十

一卷亦殘缺

史略卷二

三十四明叢書

約圖刊本

齊書

蕭子顯齊書 六十卷梁人
詳見後漢書

劉陟齊書 十三卷

齊別史

沈約齊紀 二十卷

劉陟齊紀 十三卷

江淹齊史 十三卷

王劭齊志 後齊事

吳兢齊史 十卷

初江淹已肇齊史爲十志沈約又著齊紀而子顯自表武帝別爲此書沈約嘗稱其得明道之高致蓋幽通之流也子顯更採後漢考正同異爲一家書又吳均欲撰齊書求借齊起居注及羣臣行狀武帝不許遂私撰奏之祗帝爲齊明帝佐命帝惡其書不實使中書舍人劉之遴詰問數十條竟支離無對勅付省焚之坐免職

本朝曾鞏趙若孫覺尹洙蘇洵諸公校正館書嘗論齊史謂子顯之於斯文喜自馳騁其更改破析刻瑣藻績之變尤多而其文益下豈夫材固不可強而有耶然其

史略卷一

三十四明叢書
約圖刊本

表曰素不知戶口故州郡志輒不載天文復祕故不私載而此志但紀災祥而已按本傳爲齊書六十卷今但五十九卷

梁書

謝靈運梁書

四十九卷
梁中書郎

姚思廉梁書

五十六卷
唐弘文館學士
思廉名簡以字行
萬年人

梁別史

陰僧仁梁撮要

二十卷
陳征南諮議

許亨梁史

五十三卷
陳領道大著作郎

梁太清錄 八卷

梁末代紀 一卷

梁二典 附史典彙

梁後略 附史典彙

梁紀 附紀彙

吳兢梁史 十卷

初太宗詔祕書監竇璡歐陽詢姚思廉共撰梁史思廉
父察仕陳大建中嘗修梁陳史未就思廉因父書又採
謝昺舊史裁成之其總論出於魏徵

東略卷二

三十四明叢書
約園刊本

陳書

陸瓊陳書 四十二卷陳
吏部尚書

傅縡陳書 三卷

顧野王陳書 三卷

吳兢陳史 五卷

思廉採謝昺顧野王等諸家言推究總括爲梁陳二家
史同上

後魏書

魏收後魏書 一百三十卷後齊僕射字伯起鉅
鹿人三國典略曰齊主以魏收之

卒命中書監陽休之裁正其所撰魏書休之
以收敘其家事稍美且寡才學淹延歲時竟
不措于唯削去
嫡庶一百餘字

魏澹後魏書一百十卷

隋著作郎

張太素後魏書一百卷今惟有

天文志二卷

裴安時元魏書三十卷

初令狐德棻建言近代無正史梁陳齊文籍猶可據至
周隋事多脫損今耳目尚相及史有所憑一易世事皆
汨暗無所綴輯陛下受禪于隋隋承周二祖功業多在
周今不論次各爲一王史則先烈世庸不光明後無傳

史略卷二

三三四明叢書
約園刊本

焉帝謂然詔中書令蕭瑀給事中王敬業著作郎殷聞
禮主魏議者以魏有魏收魏澹二家爲已詳乃輟按天
保中收奉詔采拾遺軼綴續舊事作紀十志十傳九十
二表上悉焚崔浩李彪等舊書收黨齊毀魏褒貶肆情
時以爲穢史獨楊愔等助之故其書漸行隋文帝以其
不實詔魏澹更作收史闕紀二卷傳二十二卷太宗紀
則補以魏澹所作靜帝紀則補以高峻小史

北齊書

李德林北齊書

二十四卷修未
成百藥之父也

張太素北齊書 三十卷

李百藥北齊書 五十卷唐中書舍人字重規定州人

太宗詔李百藥次齊史唐史臣稱百藥翰藻沈鬱所撰齊史行於時按百藥父德林先在齊已作紀傳百藥乃因其舊又避唐諱易其文議者非之

後周書

牛弘周史 十卷未成陳吏部尚書

令狐德棻後周書 五十卷唐祕書丞宜州人

吳兢周史 十卷

史略卷二

三四四明叢書
約園刊本

德棻言周隋事多脫損乃命德棻與祕書郎岑文本殿中侍御史崔仁師次周史是時預柬者十有八人德棻爲先進故類例多所讞定初周柳虬隋牛弘各嘗論次率多抵牾德棻奉詔與陳叔達庾儉同加修纂歷年至是復詔與文本仁師撰成玄齡等既上五代史太宗勞之曰朕觀前代史書彰善癉惡足爲將來之誡秦始皇奢淫無度焚書坑儒用絨談者之口隋煬帝雖好文儒尤疾學者前世史書竟無所成數代之事殆將泯絕朕意則不然將欲覽前王之得失爲在身之龜鏡公輩以

數年之間勒成五代之史副朕深懷極可嘉尚

隋書

張太素隋書 三十卷

王劭隋書

六十卷未成祕書監劭所著隋書多採迂怪不經之語辭義繁雜遂使隋

惡之迹原滅無問

隋志 二十卷

吳兢隋史 二十卷

唐修隋書 一百十五卷

唐貞觀中詔諸臣分修五代史顏師古孔穎達撰次隋

史略卷二

三五四明叢書
約園刊本

事起文帝作三紀五十列傳惟十志未奏又詔于志寧李淳風韋安化李延壽令狐德棻共加哀綴高宗時上之志乃上包梁陳齊周參以隋事析爲三十篇號五代志與書合八十五篇按隋志極有倫類而本末兼明準晉志可以無憾遷固以來皆不及也正以班馬只尙虛言多遺故實所以三代紀綱至八書十志幾於絕緒隋志獨該五代南北兩朝紛然殺亂未易貫穿之事讀其書則了然如在目良由當時區處各當其才顏孔通古今而不明天文地理之學故但修紀傳而以十志專之

志寧淳風願不當哉

唐書

吳兢唐書

一百卷淺儀人兢私撰唐書春秋未就丐官筆札語兢赴館撰錄坐書自貶荊州司馬以史草自隨蕭嵩領國史遣使就取書得六十餘篇敘事簡核號良史肅宗詔柳芳與韋述綴輯吳兢所次國史會述死芳續成之興高祖說乾元凡百三十篇敘天寶事不倫史官病之

韋述唐書

一百三十卷初令狐德棻吳兢等撰武德以來國史皆不能成述因二家參以後事遂分紀傳又爲例一篇述掌國史餘四十年任史官二十年韋弘機之孫也史稱其史才博識蕭頴士稱其文約事詳譙周陳壽之流

史略卷二

三六四明鼓書
約圖刊本

李翱答皇甫湜書曰近寫得唐書史官才薄言詞鄙淺

不足以發揚高祖太宗列聖明德使後之觀者文彩不

及周漢之書僕以爲西漢十一帝高祖布衣定天下豁

達大度東漢所不及其餘唯文宣二帝爲優自惠景以

下亦不皆明於東漢明章兩帝而前漢事跡灼然傳在

人口者以司馬遷班固敘述高節之下故學者悅而習

焉其讀之詳也足下讀范曄後漢書陳壽三國志王隱

晉書生熟何如左丘明司馬遷班固書之溫習哉故溫

習者事跡彰而罕讀者事跡晦讀之疎數在詞之高下

理必然也唐有天下聖明繼於周漢而史官敘事曾不如蒞擘陳壽所爲況足擬望左丘明司馬遷班固之文哉

韓愈答劉秀才書曰唐有天下二百年矣聖君賢相踵其餘文武之士立功名跨越前後者不可勝數豈一人卒能紀而傳之哉僕年志已衰退不可自爲嗚呼以愈而有是言況他人乎

劉昫唐書二百卷昫涿州人

按後唐起居郎賈緯言唐高宗至代宗已有紀傳德宗

史略卷二

三七四明叢書約圖刊本

至濟陰廢帝凡六代惟有武宗實錄餘皆闕略今採訪遺文及耆舊傳說編成六十五卷目曰唐朝補遺錄以備將來史官修述至開運二年史館上新修前朝李氏紀志列傳共五百二十卷賜監修宰臣劉昫史官張昭遠直館王伸等繒綵銀器有差又按歐陽修五代史劉昫傳只載明宗時爲監修國史殊不及唐史之績蓋昭遠輩所成也

歐陽修等唐書二百二十五卷

慶曆五年詔王堯臣張方平等翰林刊修唐書皇祐元

年以宋祁

翰林作讀

爲刊修官至和元年又命歐陽修宋祁

刊修

龍圖閣學士

乃撰紀十志五十表十五傳百五十嘉祐

五年提舉宰臣曾公亮上之公亮曰府有天下幾三百年其君臣行事之始終所以治亂興衰之跡與其典章

制度之美宜其粲然著在方冊而紀次無法乃詔修等

討論刪定事則增於前文則省於舊其屬則范鎮

知制誥

王疇

知制誥

宋敏求

集賢校理

呂夏卿

祕書丞

劉義叟此蓋預進

書者又有楊察趙概余靖亦與焉修嘗言唐自武宗以下並無實錄西京內中省寺諸司御史臺及鑾和諸庫

史略卷二

三十四明叢書
約園刊本

有唐至五代以來奏牘案簿尙存欲差呂夏卿就彼檢尋從之足以見討論之至矣祁雖作百五十傳亦曾自作紀志今宋氏後居華亭者有其書

唐書考

音附

呂夏卿直筆新例

一卷夏卿預修新書摘其繁冗闕誤仍敘新例溫陵人

吳縝糾繆

二十卷摘舉新書外元祐間知萬州

唐書注

李繪唐書補注

二百二十五卷繪宣和中進士以舊書參新書爲之注

唐書音

董氏唐書首二十五卷

五代史

薛居正等五代史 一百五十卷

開寶四年詔薛居正盧多遜等修五代史七年閏月甲子書成凡一百五十卷而扈蒙張澹李昉劉兼李穆李九齡皆與修其書以建康實錄爲準景祐三年七月集賢院學士知同州胡冲上所撰五代史七十七卷又一書也

歐陽修五代史 七十四卷

史略卷二

三九四明叢書
約園刊本

五代新史紀十二傳四十五考三世家年譜十有一四夷附錄三凡七十四卷

歐公曰本紀因舊以爲名卽位以前其事詳原其所自來故曲而避之見其起之有漸有暴也卽位以後其事略居尊任重所貴者大故所書簡惟簡乃可立法陳師錫序曰五代距今百有餘年故老遺俗往往垂絕無能道說者秉筆之士文采不足以耀無窮歐陽公以此自任其事迹實詳於舊記而褒貶義例仰師春秋至於論別黨宦女忠孝兩全義士降服豈小補哉歐公旣沒始

詔其家上之

神宗常問歐陽修所爲五代史如何王安石曰臣方讀數冊其文辭多不合義理上曰責以義理則修止於此每卷後論說皆稱

二

徐無黨注歐公五代史其言曰凡諸國名號梁本紀自封梁王以後始稱梁唐本紀自封晉王以後始稱晉唐自建國號唐以後始稱唐各從其實也自傳而下於未封王建國之前或稱梁稱晉稱唐者史官從後而追書

史略卷二

四十四明叢書
約園刊本

也唐嘗稱晉而石敬瑭又稱晉李昇又稱唐劉襲已稱漢而劉旻又稱漢劉涉據廣州亦稱漢劉崇據太原又稱後漢王建已稱蜀而孟知祥又稱蜀石晉自爲一代不待別而可知唐漢蜀則加東南前後以別其世家梁初嘗封沛東平南唐初嘗稱齊三號當時已不顯著故皆略而不道五代亂世名號交雜而不常史家撰述隨事爲文要於理通事見而已覽者得以詳焉

五代史別史

五代史樞要 十卷歐陽顥撰

五代史補 五卷陶岳撰

五代史闕文 一卷王禹偁撰

梁列傳 十五卷

後唐列傳 三十卷並張昭遠撰

五代史考

五代史纂誤 吳縝錄歐陽公新史抵牾闕語凡二百餘字

史略卷二

四明叢書
鈔刻本

史略卷二

史略卷三

宋鄞縣高似孫續古撰

東觀漢記

歷代春秋

歷代紀

寶錄

起居注

唐左右史螭坳書事

延英殿時政

史略卷三

時政記

唐曆

會要

玉牒

東觀漢記

東觀漢記百四十三卷起光武記注至靈帝長水校尉劉珍等撰按後漢書文苑傳劉珍字秋卿永初中鄧太后詔使典校書劉駒駱馬融及五經博士校定東觀五經諸子傳記百家藝術整齊脫誤是正文字永寧元年

太后又詔珍與劉駒駘作建武以來名臣傳李尤字伯仁安帝時受詔與謁者僕射劉珍等俱撰漢記又按顯宗起居注明德皇后自撰漢之后宮好文通史有如此者其後有後漢記一百卷晉散騎常侍薛瑩所撰當本諸此永元十三年正月丁丑和帝幸東觀覽書林閱篇籍博選藝術之士充其官洛陽宮殿名曰南宮有東觀永初中學者稱東觀爲老氏藏室道家蓬萊山太僕鄧康薦竇章入東觀靈帝詔圖高武象於東觀

入東觀人

史略卷三

一四明叢書
約圖刊本

劉珍

劉駒駘

馬融

蔡邕

張衡

曹褒

黃香

李尤

楊彪

馬日磾

盧植

劉知幾曰後漢東觀大集羣儒而著述無主條章靡立伯度譏其不實公理以爲可焚張蔡二子糾之於當代傅范二家嗤之於後葉

漢記中鄧禹傳

序曰賢駿思聖主風雲從龍武自然之應也鄧禹以弱冠睹廢興之兆羸糧筮馬以追世祖遂信竹帛之願建

社稷之謀龔蕭何之爵位可謂材難矣受命之初躬率六師中興治定勒號泰山聖上繼體立師傅位三公功德之極而禹兼之易稱利見大人詩有自求多福其禹之謂與

漢記中吳漢傳

序曰自古異代之忠其詳不可得聞也已近觀大漢高祖世祖受命之會建功垂名之忠察其屈伸固非鄉舉里選所能拔也吳漢起鄉亭由逆旅假階韓鴻發筴彭寵然後遇乎聖王把旄杖鉞佐平諸夏東征海嶠北臨

史略卷三

二四明叢書

約園刊本

塞漠西踰隴山南平巴蜀遂斬公孫述延岑劉永董憲之首斯其跨制州域竊號帝王章章可數者燦起糜沸之徒其所灑掃眾矣天下既定將帥論功吳公爲大覽其戰剋行事無知名無勇功令合於孫吳何者建武之行師計出於主心勝決廟堂將帥咸承璽書倚威靈以治剋亂以智取愚其勢然也及漢持盈守位勞謙小心懼以終始勒功帝佐同名上古盛矣哉

右劉知幾大譏漢記述前人之言以爲可焚可噉其對蕭至忠有曰古之國史皆出一家未嘗藉功於眾

惟後漢東觀集羣儒纂述人人自爲政駿其言盡之矣今姑錄二序於前夫張衡蔡邕豈不以辭筆自騁而所序者如此是可與班馬抗歟

歷代春秋

戰國春秋二十卷

趙曄吳越春秋

卷

十二卷又有楊方吳越春秋削繁五卷皇甫遵吳越春秋傳十

陸賈楚漢春秋

九卷

司馬彪九州春秋

十卷記漢末事又有九州春秋抄一卷劉孝標注

宋略卷三

四四明叢書
約園刊本

袁曄漢獻帝春秋

十卷

孔衍漢春秋

十卷

孔衍後漢春秋

六卷

孔舒元漢魏春秋

九卷

孫盛魏氏春秋

二十卷又有魏陽秋
異同八卷陳壽撰

員半千三國春秋

三十卷

崔良輔三國春秋

卷亡深州安平人日用從子居白鹿山門人謚曰貞文

習鑿齒漢晉陽秋

晉棗陽太守字彥威襄陽人博學洽聞以文筆著

孫盛晉陽秋

三十二卷訖哀帝盛著魏氏春秋晉陽秋詞直而理正咸稱良史焉

字安國
太原人

檀道鸞續晉陽秋

二十卷宋永嘉太守

王韶之晉陽秋

韶之琅琊臨沂人也私撰晉陽秋成時人謂之宜居史職卽除

著作郎使續後事訖義熙九年善敘事辭論可觀爲後世佳史

杜延篤晉春秋略

二十卷唐人

王琰宋春秋

二十卷梁吳興令

鮑衡卿宋春秋

二十卷

吳均齊春秋

三十卷

臧嚴栖鳳春秋

五卷

史略

卷三

五

四明叢書
約園刊本

吳兢唐春秋

三十卷

韋述唐春秋

三十卷

陸長源唐春秋

六十卷

尹洙五代春秋

二卷

崔鴻三十國春秋

百二十卷魏人

十六國春秋略

二卷

蕭方三十國春秋

三十卷漢中元建安訖晉元熙凡一百五十六年以晉爲

主包吳孫劉元海等三十國事又有三十國春秋鈔二卷

包胥河洛春秋

武敏之三十國春秋 一百卷

太史公作史記最采楚漢春秋意其論著瓌傑弘演必有以合乎軌轍者今得楚漢春秋讀之不見其奇試以一二言之其一曰沛公閉函谷關無內項王項王大將亞父至關不得入怒曰沛公欲反卽令家發薪策欲燒關關門乃開其一曰項王在鴻門亞父諫曰吾使人望沛公其氣衝天五色相糾或似雲或似龍或似人此非人臣之象也不若殺之其一曰上南攻宛匿旌旗人銜枚馬東舌雜未鳴已圍宛城三匝其一曰上過陳留酈

史略 卷三

上六四 明叢書
約園刊本

生求見使者入通方洗足問如何人曰狀類大儒上曰吾方以天下爲事未暇見大儒也使者出告酈生瞋目按劍入言高陽酒徒非大儒也楚漢春秋所載僅如此太史公所采亦以漢初之事未有記載故有取於此乎至習鑿齒孫盛檀道鸞作魏晉春秋意義闕達辭采清雋斯亦一代之奇著桓温見盛春秋怒謂盛子曰枋頭誠爲失利何至乃如尊君所說其子遽拜請刪定諸子號泣請爲百口計盛怒不許諸子自改定之盛乃書兩本寄於慕容儁泰元中孝武帝博求異聞殆於遼東得

之以相參校多有不同時溫旣覬覬非望鑿齒著漢晉春秋以裁正之起光武終於晉愍帝三國之時蜀以宗室爲正魏武雖受漢禪尙爲篡逆文帝平蜀乃漢亡而晉始興焉二子之作嚴且正矣善乎唐史臣之言曰丘明旣歿班馬迭興自斯以降分明競爽此之謂乎陽秋者避晉太后家諱故曰陽秋

歷代紀

荀悅漢紀

三十卷後漢獻帝好典籍常以班固漢書文繁難省乃令悅依左氏傳體

爲漢紀三十篇辭約事詳論辨多美其序云立典有五志焉一曰達道義二曰法章式三

史略卷三

約圖刊本

曰通古今四曰著功勳五曰表賢能於是天人之際事物之宜粲然顯著罔不備矣漢四百有六載撥亂反正統武興文永惟祖宗之洪業思光啟乎萬嗣聖上穆然惟文之恤瞻前顧後是紹是繼闡崇大猷命立國典於是綴敘舊書以述漢紀中興以前明主賢臣得失之執亦足以觀矣輔悅應劭注荀悅漢紀三十卷唐李太亮爲涼州都督表諫求鷹太宗報書賜荀悅漢紀曰悅論議深博極爲政之體公其釋味之

袁宏後漢紀

三十卷字彥伯自東部郎爲東陽太守有逸才文章絕美

張璠後漢紀

三十卷

劉艾漢靈獻二帝紀

六卷

環濟吳紀

十卷晉太學博士

陸機晉紀

四卷字士衡晉平原內史天才秀逸辭藻宏麗葛洪稱其文宏麗妍贍英

銳深逸亦一代之絕乎

鄧粲晉紀

十一卷記明帝晉荊州別駕其傳云著元明紀十篇晉史曰鄧粲謝沈祖

述前史奇辭異義罕見稱焉

干寶晉紀

二十卷自宣帝訖愍帝五十三年其書簡略直而能婉成稱良史干寶著

晉論二千七百一十有七言載於晉史者一千八百八十有五言載於通鑑者七百二十

有四言可以爲史類煩亂翦截浮辭之法

曹嘉之晉紀

十卷晉前軍諮議

劉瓌晉紀

世說注

史略卷三

八四明叢書

約園刊本

劉謙之晉紀

二十五卷宋中散大夫

王韶之晉紀

十卷宋吳興太守字休泰琅琊人善敘事辭論可觀爲後代佳史

徐廣晉紀

四十五卷宋中散大夫侍中逸之弟世好學至廣尤精純百家數術無不

研究尙書奏有造中興記者煥乎史策宜劾著作郎徐廣撰成國史於是廣勒成晉紀凡

四十六卷表上之

郭季產續晉紀

五卷宋新興太守

王智深宋紀

三十卷

沈約齊紀

十卷

蕭韶梁太清紀

十卷梁長沙王

梁末代紀 一卷

梁帝紀 七卷

梁皇帝紀 七卷

盧彥卿後魏紀 三十卷

崔產發北齊紀 三十卷

陳彭年唐紀 四十卷

本朝人

皇甫湜謂荀氏漢祀強欲復古以爲編年然其善語嘉話細事詳政多所遺矣予以爲不然此書專爲正史繁博而作辭約則事必省事省則史必精編年之體難乎

史略

卷三

九 四明叢書

約圖刊本

其詳且細矣王通氏曰荀悅史乎是蓋知悅者矣而杜預尤爲善言史者有謂史之舊章從而修之故曰約史記而修春秋殆此意歟自悅而後紀凡二十有一家往往取則於荀氏如陸機郗粲徐廣沈約數家殊爲精覈而家家有史人人載筆難乎其考矣隋史氏以爲史官廢絕久矣魏晉以來其道愈替南董之位以祿貴遜正駿之司罕因才授故梁世諺曰上車不落則著作體中何如則祕書尸素之儔盱衡延閣之上立言之士揮翰蓬茨之下一代之記至數十家傳說不同閱見舛駁此

之謂歟

二

張璠漢紀曰范孟博漢為功曹辟公府掾升車攬轡有

澄清天下之志百城聞滂高名皆解印綬去又曰不畏

強禦陳仲舉天下模楷李元禮鄧粲晉紀曰劉子驥驥

之少尚質素虛退寡欲好遊山澤志尚遁逸又曰王平

子澄放曠不拘時謂之達又曰王處仲性簡脫口不言

財其操尚如此又曰王導協贊中興敦育方面之功又

曰裴遐以辯論為業善敘名理解氣清暢泠然若琴瑟

史略卷三

十四明叢書

約園刊本

按晉諸公贊遐字叔道河東人少有理稱辟散騎郎又按永嘉流人名三夷甫以第四女適之曹嘉之

晉紀曰荀勗為中書監令尙同車至和嶠為令而勗為

監嶠意強抗專車而坐乃使監令異車自此始劉謙之

晉紀曰王獻之性甚整峻不交非類又曰桓玄欲復武

黃中郎將疑應直與不訪之僚佐咸莫能定參軍劉簡

之對曰潘岳秋興賦序云余兼武黃中郎將寓直于散

騎之會以此言之是應直也玄歡然從之徐廣晉紀曰

劉琨琨少有才學能言理又曰殷浩清言妙辯玄

致當時名流皆為其美譽又曰凡稱風流者皆舉王劉

為宗馬劉真長庾道季蘇太尉亮子也風情率悟以文

談致稱於時又曰王導阿衡之世經綸夷儉政務寬恕

事從簡易故垂遺愛之譽以上諸史學者所未見故為

概舉一二庶知其筆墨焉

實錄

六朝實錄

梁實錄

梁皇帝實錄 周興嗣撰

梁皇帝實錄 謝昊撰

史略卷三

十二四明叢書
約園刊本

梁太清實錄

唐實錄 唐六典曰史官掌修國史凡天地日月之

祥山川封域之分昭穆繼代之序禮樂師
旅之事誅賞興廢之政皆
本於起居注以為實錄

高祖實錄 許敬宗敬播撰褚遂良讀
之於前太宗成勳流涕

太宗實錄 元曰今上實錄
敬播顏胤撰

貞觀實錄 長孫無
忌撰

高宗實錄 許敬宗撰

高宗後實錄 初令狐德棻撰乾封中劉知幾吳
兢續成此再修者也又有韋述所

撰三十卷武后
所撰一百卷

則天實錄

魏元忠武三思祝欽明徐彥伯柳沖韋承慶崔融岑羲徐堅撰劉知幾撰

兢刪正又有宗秦客聖母神皇實錄

中宗實錄

吳兢撰

太上皇實錄

劉知幾撰

睿宗實錄

吳兢撰

今上實錄

張說唐穎撰次開元初事

開元實錄

失撰人名

玄宗實錄

令狐岷撰

肅宗實錄

元載監修

史略卷三

代宗實錄

令狐岷撰

建中實錄

沈既濟撰

德宗實錄

蔣乂瑛神林寶韋處厚獨孤郁撰

順宗實錄

韓愈沈傳師宇文籍撰

憲宗實錄

沈傳師鄭澥宇文籍蔣係李漢陳夷行蘇景胤撰

穆宗實錄

蘇景胤王彥威楊漢公蘇滌裴休撰

敬宗實錄

陳商鄭亞撰

文宗實錄

盧耽蔣偕王溥盧告牛叢撰偕三世修史世稱良筆其父又有史才

武宗實錄

韋保衡撰

十二四明叢書

約園刊本

五代實錄

梁太祖實錄三十卷

梁祁象等撰

後唐獻祖紀年錄二卷

後唐懿祖紀年錄一卷

後唐太祖紀年錄十七卷

後唐莊宗實錄三十卷

後唐趙鳳張昭遠等撰
獻祖懿祖太祖爲紀年

莊宗爲
實錄

後唐明宗實錄三十卷

姚顛等撰

後唐廢帝實錄十七卷

皇朝張昭
劉溫叟撰

史略卷三

後唐愍帝實錄三卷

張昭等撰

晉高祖實錄三十卷

漢竇正固
賈緯等撰

晉少帝實錄二十卷

竇正固
等撰

漢高祖實錄二十卷

漢蘇逢
吉等撰

賈緯乾祐中受詔與王仲寶儼修晉高祖少帝漢高祖三朝實錄緯以筆削爲己任然而褒貶任情記注不實晉宰相桑維翰執政嘗薄緯之爲人不甚見禮緯深銜之及敘維翰傳稱維翰身沒之後有白金八千錠他物稱是翰林學士徐台符緯邑人也與緯相善謂緯曰聞

吾友書桑魏公白金之數不亦多乎乃改爲白金數千
錠書法如此他可知矣

漢隱帝實錄十五卷

張昭等撰

周太祖實錄三十卷

張昭劉溫叟撰

周世宗實錄四十卷

皇朝王溥等撰

實錄之作史之基也史之所錄非藉此無以措其筆削
矣今狐峒修玄宗實錄號爲著述甚精喪亂之餘實錄
散失纂開元天寶間事唯得諸家文集編其詔冊名臣
傳記十無三四後人以漏略稱之初至德二年史官于

史略

卷三

十四四明叢書
約園刊本

休烈等奏自經賊火國史實錄並無其本合詔府縣搜
訪重加購賞數月唯得書一二百卷前史官韋述家藏
國史一百十三卷乃以送官又僅若此歐陽公宋景文
公受詔分撰唐史一時有請以爲唐自武宗後並無實
錄何所攷訂則實錄有補於史可知矣又如柳玘以下
十五人分修宣宗懿宗僖宗實錄踰年不能編錄一字
是非難乎歐公作五代新史往往多據建康實錄耳先
公預修神宗哲宗徽宗欽宗四朝史高宗實錄其史冊
散逸記載疎略尤有甚於令狐峒之時分修志四傳五

十寶錄十年而訪搜訂載略不少恨其有分秦檜傳者
筆不得下今檜傳僅數葉而已似孫乃爲纂修檜傳極
爲精覈史館移牒取索不欲錄報也

二

顯慶中高宗以許敬宗譏太宗寶錄所紀多非實謂劉
仁軌曰朕觀國史所書多不周悉卿等必須窮微索隱
原始要終盛業鴻勳咸使詳備憲宗徧讀列聖寶錄見
貞觀開元故事竦慕不能釋卷謂宰臣曰太宗之創業
如此玄宗之致理如此我讀國史始知萬倍不如焉文

宗嘗曰順宗實錄似未詳實史官韓愈不是當時屈人
否李石曰韓愈貞元末爲四門博士上曰司馬遷與任
安書全是怨望所以漢武本紀事多不實鄭覃曰漢武
中年後大發戎馬拓土開邊生人耗竭本紀所述亦非
過言初愈撰順宗實錄說禁中事頗切直內官惡之往
往於上前言其不實累朝有詔改修及修憲宗實錄文
宗復令改正永貞問事跡隨奏乞條示舊記最錯誤者
委史官條定乃詔刊去寶錄中所書德宗順宗朝禁中
事其他不要更修

按愈進順宗實錄表曰監修李吉甫
授臣以前史官羣處厚所撰實

錄三卷云未周悉令臣重修臣與修撰左拾遺沈傳師直館咸陽尉字文籍等共加採訪修成削去常事著其繫於政者比之舊錄十益六七忠良姦佞莫不備書觀此則內官所惡者在是矣又云沈傳師等採事得於傳聞致有差誤聖明無遺恕臣不逮重令刊正今並添改訖其奉天功烈更加尋訪已據所聞載於首卷愈秉史筆而所言云唐史筆所修往往視其人之才否至於高爾嗚呼難哉宗文宗尚能知所刊整其視委成史氏無所攷擇者固

起居注

漢一 獻帝起居注

晉十六

卷三

十六 四明叢書

約圖刊本

秦始起居注

咸寧起居注

建武大興永昌起居注

咸和起居注

秦康起居注

元康起居注

咸康起居注

建元起居注

永和起居注

升平起居注

太元起居注

崇寧起居注

晉起居注

流別起居注

晉宗起居注

晉起居注鈔

宋七

永初起居注

景平起居注

元嘉起居注

孝建起居注

大明起居注

泰始起居注

泰豫起居注

齊一

永明起居注

梁一

大同起居注

陳四

永定起居注
天康光大起居注

天嘉起居注
至德起居注

後魏一起居注

隋一開皇起居注

唐二大唐創業起居注
開元起居注

漢武帝有禁中起居注明德馬后自撰顯宗起居注后

去兄防參醫藥事章帝請曰黃門舅日夕供養且一年
既無優異又不錄勳勞無乃過乎太后曰吾不欲後代
聞先帝數親後宮漢有起居注久矣不止獻帝也漢時
之家故不錄也
注似在宮中為女史之職蓋
周內史所記王命之副也梁吳均欲撰齊書求借齊

史略卷三

十七四明叢書
約園刊本

起居注及羣臣行狀武帝弗許遂私撰奏之是知記注之作有補於史太宗謂褚遂良曰卿知起居注可得見

否遂良以為不聞帝王躬自觀史貞元中上問趙憬起

居注所記何事憬言國朝自永徽以後起居唯得對仗

承旨仗下後謀議皆不得聞其曰注記但出於已行制

敕內鈔錄更無他事長壽中姚璿知政事以為親承謨

訓若不宣自宰相又官無由得知遂請仗下後所言軍

國政要宰相專知撰錄號時政記李弘憲曰時政記者

罷而寢賈耽齊抗修之於貞元耽抗罷而廢李德裕曰
璿所撰時政記厥後因循多闕乞依故事知印宰相撰

錄歲末送史館杜牧曰舊例宰臣於閤內及延英奏事
知印宰臣盡書送史館名時政記但記示己之辭或忘
同列之對獻替之說史冊不詳欲乞人自爲記共成一
編必無遺漏觀唐諸公之言如此則記亦非詳且核矣
月送史館無何此事又廢上曰君舉必書義存勸戒宜
依故事爲之李德裕言延英奏事後向外傳說三事猶
兩事虛謬豈有起居注皆三二年後採於傳聞耳目已
隔固非實事宜如故事每季送史館如軍國大政傳聞
疑誤許於政事堂見宰相臨時酌量如事已施行非關
機密者並一一言說所異書事信實免有傳疑按興慶
宮有起居注并餘書三千六百卷則起居注不爲不詳
矣

史略卷三

十一 四明叢書
約圖刊本

唐左右史螭坳書事

唐制朝日左右史分立赤墀之下

丹淹泥以塗殿墀

郎左舍人

右李肇國史補曰兩省謔起居爲螭頭以其立近石螭

也鄭覃傳日記注操筆在赤墀下張次宗傳文宗始詔

左右史立螭頭下韋絢初除右史中謝置筆札於玉階

欄楯之石趨而書辭拜舞

絢嘉話

唐志曰宣政殿朝日殿

上設黼屨躡席薰爐香案而宰相兩省對班於香案前
則是香案自在殿上向之兩省對班而直案前者乃從

殿下準望而言非夾立香案左右也又按王仁裕入洛過長安見含元殿前五階三級第一級可高丈許每間引出一石螭頭東西鱗次第二第三級各高五尺蓮花石頂階兩面龍尾道各六七十步方達第一級而宣政殿紫宸螭頭雖不明載然據唐志御正殿則起居郎舍人分左右立有命則俯陛以聽退而書之正殿者宣政也志又曰若仗在內閣則夾香案分立殿下第二螭首和墨濡筆皆卽螭處內閣者紫宸也三殿皆有螭於此可見姚璿所謂延英奏事者小殿也

史略卷三

九四明叢書

約園刊本

延英殿時政

六典言宣政殿西上閣門之左卽延英殿上元二年殿中當御座生玉芝延英召對宰臣始於代宗時以苗晉卿年老特御是殿優禮也陽城欲求陸贄約拾遺王仲舒守延英殿閣上疏其言守閣者開延英以受其對也錢希白南部新書記唐制內有公事卽開延英長安志以延英在紫宸殿東呂大臨圖引李庚賦曰東則延英耽耽又按會要元和十五年詔於西上閣門西廊內開便門以通宰臣自閣中至延英則延英不在紫宸之東

矣會要之說蓋與六典合僖宗時易延英爲靈芝表芝瑞也還自蜀仍曰延英貞元七年詔諸司官長許對延英德宗又詔今後有陳宜於延英請對憲宗時元稹爲拾遺亦乞於延英訪問自後諸州刺史又於延英陛辭韓皋爲中丞奏事紫宸殿上曰我與卿言不盡可來延英與卿從容又天祐後一旬三開延英元和中義武節度張茂昭舉族歸朝故事雙日不坐是日特開延英亦禮之特璿修時政記請延英奏事宰臣書送史館具謂是歟

時政記

永徽後左右史雉對仗承旨仗下謀議不得聞武后以姚璿表尙符瑞擢平章事璿奏帝王謨訓不可闕記請仗下所言軍國政要責宰相自撰號時政記以授史官從之時政有記自璿始大中六年平章事裴休言宰相論政上前知印者爲時政記他議事有所闕史氏莫得詳請宰相人自爲記付史官詔可元和八年上以時政記問於宰相監修國史李吉甫對曰是宰相記天子事以授史官之實錄也上曰其間或修或不修何也吉甫

曰凡面奉德音未及施行樞機周密固不可書以送史官其間謀議有發自臣下者又不可自書以付史官及事已行者制旨昭然天下皆得聞知卽史官記之不待書以授也姚璿修於長壽璿罷而事廢賈耽修於貞元耽罷而事廢

唐曆

肅宗詔柳芳與韋述綴輯吳兢所撰國史會述死芳續成之敘天寶後事棄取不倫史官病之後坐事貶黔中從高力士質開元天寶及禁中事攸編年法爲唐曆四

史略卷三

十一四明叢書
約園刊本

十篇頗有異聞然不立褒貶義例爲諸儒譏訕按唐曆起隋義寧元年訖建中三年又續唐曆二十二卷又有唐曆目錄一卷唐崔令欽撰其後又有唐曆目錄一卷唐年曆一卷唐劉軻撰唐曆帝紀一卷又按前史有吳曆六卷胡冲撰晉曆二卷陳曆二卷唐曆蓋因乎此芳字仲敷河東人

唐會要

五代會要 西漢會要 不知誰作 甚簡約

唐蘇冕撰唐會要四十卷起高祖迄代宗崔鉉撰唐會要四十卷次德宗以來至大中間事本朝王溥撰唐會

要一百卷起宣宗至唐末合蘇崔二書合爲百卷溥又撰五代會要三十卷起梁開元迄周末

玉牒

玉牒見於唐所以奠世繫分宗譜也開成中李衢上皇唐玉牒一百一十卷李父有玉牒行樓二卷其在本朝志世繫之外更爲一史以紀大事大事者降誕符瑞卽位大臣除拜大政事大詔令也是所謂大事必書者其書一年一進按建武三十二年梁從等奏求元封封禪故事當用方石再累置壇中用玉牒書藏方石牒厚五

史略卷三

三十四明叢書
約圖刊本

寸長尺三寸廣五寸有玉檢又用石檢十枚列於石傍以告曰刻玉牒書函藏金櫃璽印封之又按唐麟德元年有事岱宗造三玉冊皆以金繩編玉牒爲之刻玉填黃金爲字又爲玉匱以藏蓋太史公所曰鈿金匱石室之書者也韓昌黎有曰功德鏤乎白玉之牒抑謂是歟今玉牒殿制度玉牒以銷金羅爲紙書之夾以銀梵葉先太史在牒寺最久乃得專修神宗一朝玉牒事旣專則筆削不亂唯神宗國史有所謂朱墨本者史之所載殊多私意先公是正特爲精覈可以言史矣

史略卷三

史略卷三

于三
四明叢書
約圖刊本

史略卷四

宋鄞縣高似孫續古撰

史典

史表

史略

史鈔

史評

史贊

史草

史略
卷四

四明叢書

約園刊本

史例

史目

通史

通鑑

通鑑參據書

史興

王逸齋典

五卷

劉璠梁典

三十卷

何元之梁典

三十卷
陳始興王諮議

謝良梁典 三十卷

元行冲魏典 三十卷 魏事唐人

唐穎稽典 一百三十卷 開元中穎罷臨穎尉上之張說奏留史館修撰

李延壽太宗政典 三十卷

王彥威唐典 七十卷

按何元之梁典高帝革命論曰官自有梁備觀成敗昔因出軸流寓齊都窮愁著書竊慕虞子簡牘多闕略不盡舉觀此則典之爲書亦幾於紀事省而辭約者也

史表

史略 卷四

二四明叢書
約園刊本

古今年表 一卷

袁希之漢表 十卷

韓祐續古今人物表 十一卷 開元十七年上校太常寺太祝

柳芳唐宰相表 三卷

陳繹輔相表 十卷 皇宋

宰輔年表 載熙豐間事

國朝年表 八卷

太史公曰五帝三代之記尙矣自殷以前諸侯不可得而譜周以來乃頗可著讀春秋曆譜謀至周厲王廢書

而歎則知載筆之嚴莫嚴於譜牒世本十五篇古史官
記黃帝以來訖春秋帝王公侯卿大夫祖世之所出表
之作其有據於此乎善乎班固之言曰綴續前記究其
本末表舉大分別而敘之表之爲義如此

史略

張溫三史略 二十卷

張緬後漢略 二十五卷

魚豢魏略 五十卷

杜延篤晉春秋略 二十卷

史略 卷四

荀綽晉後略 十一卷

吉文甫十五代略 十卷起庖
犧至晉

裴子野宋略 二十卷

姚最梁後略 十卷

梁承聖中興略 十卷

丘悅三國典略 二十卷以關中鄴都江
南爲三國記南北朝事

環濟帝王要略 十二卷紀帝王及
天官地理喪服

張太素隋後略 十卷

郭儉唐年統略 十二卷

李吉甫六代略 三十卷

杜信史略 三十卷

杜毅大業記略 三卷唐人

裴子野撰史略其序事評論多善沈約歎其評論可與過秦王命分路揚鑣是爲翦繁撮要之法然諸子所錄並出意度自成機杼是難以概論然有至略之法存焉人特不著眼耳堯典載曆象治水禪舜之事大矣凡四百六十字舜典載受禪命官之事亦大矣凡八百三十六字禹貢載山川貢賦名物水功之事尤大矣凡一千二百八字非略之至乎

史略 卷四

四 四明叢書
約園刊本

史鈔

葛洪史記鈔 十五卷

葛洪漢書鈔 三十卷

葛洪後漢書鈔 三十卷

吳志鈔 一卷

張奩晉書鈔 三十卷

三十國春秋鈔 二卷

九州春秋鈔 一卷劉孝標注

右唐仲彥有子鈔虞世南有北堂書鈔皮日休有鹿門書鈔唐人有碎金鈔張九齡有珠玉鈔蘇易簡有文選鈔凡言鈔者皆擬其英獵其奇也可爲觀書之法也

史評

王濤三國志序評 三卷晉人

徐爰三國志評

二評蓋專爲三國所書設是固有可評者司馬公作通鑑遺書劉道原曰魏吳蜀宋齊梁陳後魏秦夏涼燕北齊後周五代諸國地醜德齊不能相一名號鈞敵本非

史略 卷四

五十四明叢書

約園刊本

君臣者皆用列國之法彼此抗衡無所抑揚沒皆稱王王公稱卒庶幾不誣事實稍近至公至於劉備雖承漢族屬疏遠不能紀其世數名字亦猶宋高祖自稱楚元王後李昇自稱吳王恪後是非難明今並同之列國不得與漢光武晉元帝爲例以溫公之殊見絕識而於此難決是果難乎習鑿齒作漢晉春秋其言有曰桓溫覬覦非望乃著漢春秋以裁正之起光武終於晉愍帝於三國之時蜀以宗室爲正魏武雖受漢禪尙爲篡逆至文帝平蜀乃爲漢亡而晉始興焉其說如此豈不快哉

史贊

范曄後漢書贊 十八卷

范曄後漢書論贊 五卷

傅暢晉諸公贊 二十二卷

雜贊十六附

上古以來聖賢高士贊 二卷 周續之

徐州先賢傳贊 九卷 劉義慶

會稽先賢傳贊 二卷 鍾離岫

陳留先賢傳贊 一卷 陳英宗

史略 卷四

長沙舊傳贊 三卷 晉臨川王 郎中劉或

吳先賢贊 三卷

會稽太守像贊 二卷 賀氏

東陽朝堂像贊 一卷 晉太山太守留叔先

桂陽先賢畫贊 五卷 吳左中郎張勝

聖賢高士傳贊 三卷 嵇康

至人高士傳贊 二卷 孫綽

列仙傳贊 三卷 孫綽

六賢圖贊 二卷 唐李渤撰 前代夫婦俱隱者六人

孝子傳贊 三卷 王韶之

忠孝圖贊 二十卷 李襲譽

凌煙功臣贊 并傳四十卷 蔣乂

唐十八學士贊 一卷 呂溫

列女傳贊 一卷 穆護以上諸贊辭多瑣傑故錄焉

先太史嘗言歐陽公撰新唐史紀志皆脫藁獨太宗紀贊難乎其爲工旣成一夕夢神人金甲持兵琅乎問非以紀贊過乎措辭蓋太宗也公乃爲改作又治平中妙揀一時名人修仁宗史以帝紀屬之李邦直其所作贊久不能成一日出示諸公曰竭平生之力是做馬班漢文帝贊由今觀之固有間矣只如兩漢書中大贊寧有幾非不欲追抗太史公筆力然其辭可琢其氣格不可敵況其下者乎

史草

蕭子顯晉史草

予嘗觀楊文公史草用竹紙細字字清美塗摺甚少蓋造思之素者也又觀歐陽公史草闢行眞字殊有更易處又一二紙更易幾盡又觀宋景文公史草則佳紙闕

行筆史所書其草乃兩傳凡劉史之舊所易幾盡今以新傳比舊傳則一時羣臣奏疏往往掇改所存不一二又觀司馬公通鑑草紙闊狹不侔有剪爲數寸闊者兩面密書時有塗改處字尤端楷觀此則想象蕭公史草令人精神飛越恨不一披元筆

二

古人制作不只遺辭合理而一字之施有不可易者景文公修唐書韓文公傳全載進學解諫佛骨表潮州謝上表祝鱷魚文殊不甚攬改於進學解頗易數字以招

史略卷四

八四明教書

約圖刊本

諸生爲召字障百川而東之爲停字跋前疐後爲躓字韓公本用狼跋詩語非躓也其他以爬羅剔抉爲把羅焚膏油爲燒以取敗幾時爲其敗吳元濟傳書平淮西碑文千六百六十字固有他本不同然才減節輒不穩當明年平夏一句悉芟之平蜀西川滅西川字非郊廟祠祀其無用樂減祠其兩字皇帝以命臣愈臣愈再拜稽首減下臣字汝其以節都統討軍以討爲諸討者如左傳討軍實之義若云諸軍恐非奇柳子厚傳載與蕭俛許孟容書正符懲咎賦四篇孟容書氣義步武全與

漢楊惲答孫會宗書相似正符倣班孟堅典引而其四者次序或失之至云宗元不得召內閣悼作賦自儆然其語曰逾再歲之寒暑則責居日月未爲久難以言不得召也資治通鑑但載梓人及郭橐駝傳以爲其文之有理者其識見取舍固有在云

史例

顏師古注漢書例 一卷

劉餗史例 三卷

沂公史例 一卷田弘正客

史略

卷四

九

四明叢書
游園刊本

金馬統例 一卷

呂夏卿唐書新例 一卷

司馬公通鑑前例 一卷

善言史例無若杜征南然古之爲例簡而後之爲例詳不止是也事有出於常事之表則創例亦新用志亦艱矣神而明之者史乎

史目

唐楊松珍撰史目唐宗諫撰十三代史目唐孫玉汝撰唐列聖實錄目其後作史目者準此隋志所謂古史官

既司典籍蓋有目以爲綱紀是亦史之綱紀也

通史

梁武帝通史

六百二卷

按通史上自三皇迄梁全用編年法

李延壽南史

八十卷

李延壽北史

一百卷

唐李延壽父太師多識前世舊事常以宋齊周隋天下參隔南方謂北爲索虜北方指南爲島夷其史於本國詳他國略往往訾美失傳思所以改正擬春秋編年刊

史略

卷四

十四明叢書

約園刊本

究南北事未成而歿延壽旣數與論撰所見益廣乃追終先志本魏登國元年盡隋義寧二年作本紀十二列傳八十八謂之北史本宋永初年盡陳禎明三年作本紀十列傳七十謂之南史凡八代合二書百八十篇其書頗有條理刪落釀辭過本書遠甚唐鄭暉作史雋十卷亦記南北朝事何及李氏史之精覈張伯玉又續史雋十卷伯玉唐人

高峻小史

一百卷

峻元和中人著小史初爲六十卷餘卷乃其子迴釐益

之一以太史公書爲準作漢諸臣諸王世家嚴整有律是深於史者

姚康復統史 三百卷

統史自開闢至隋末用編年法纂帝王政事凡詔令所下皆書至於鹽鐵權糴兵糧邊事無不該載以及釋道燒煉妄求無驗者亦書之康大中中爲太子詹事

蕭肅合史 二十卷

蘇轍古史 二十卷
皇朝

太史公易編年之法爲本紀世家列傳記五帝三皇以

史略 卷四

十一 四明叢書
約圖刊本

來後世莫能易之漢景武之間尙書古文詩毛氏春秋左氏皆不列於學宮世能讀之者少故其記堯舜三代之事皆不得聖人之意戰國之際諸子辯士各自著書或損增古事以自信一時之說遷一切信之甚者或采世俗相傳之語以易古文舊說及秦焚書戰國之史不傳於民間幸而野史一二存者遷亦未暇詳也故其記戰國有數年不書一事者因遷之舊上觀詩書下考春秋及秦漢雜錄記伏羲神農訖秦始皇帝爲七本紀十六世家三十七列傳謂之古史追錄聖賢之遺意以明

示來世至於得失成敗之際亦備論其故嗚呼由數千歲之後言數千歲之前其詳不可得矣幸其猶有存也而或又失之此古史之所爲作

資治通鑑

皇朝端明殿學士司馬光治平中受詔編集歷代君臣事迹許自選辟官屬於崇文院置局熙寧初神宗皇帝御製序賜名資治通鑑命經筵進讀及光補外聽以書局自隨元豐七年書成上起戰國下終五代凡一千三百六十二年分二百九十四卷又略舉事目爲目錄三十卷參考羣書訂其同異爲考異三十卷

史略卷四

十二四明叢書
約圖刊本

資治通鑑舉要曆

八十卷

司馬公既著通鑑患其書浩大難於易見而目錄第撮取精要之語無復首尾晚乃著是書

資治通鑑外紀

十卷

皇朝劉恕撰初司馬公受詔修歷代君臣事迹辟恕於史局公退居洛陽恕歸江東仍隸局中嘗謂司馬遷史記始於黃帝其包犧神農闕而不錄公爲歷代書而不及周威烈王之前以包犧至未命三晉爲諸侯可爲前

紀本朝一祖四宗一百八年可爲後紀將俟書成有請於公及恕病廢又在遠方不可得國書絕意於後紀乃更前紀曰外紀如國語稱春秋外傳之義也又有目錄三卷起包犧氏訖周威烈王二十二年恕字道原京兆人

通鑑參據書

史記

前漢書

後漢書

三國志

晉書

南史

史略

卷四

十三

四男鼓書

約園刊本

北史

齊書

周書

宋書

梁書

陳書

隋書

新舊唐書

宋略

新舊五代史

魏氏春秋

唐錄政要

天寶故事

後史補

袁宏漢紀

荀悅漢紀

太清紀

十道志

祿山事迹

李昊蜀書

高峻小史

世語

漢武故事

文貞公傳錄

天寶西幸記

毛文錫紀事

華陽國志

國興

魏文貞公故事

段秀實別傳

續漢書

三十國春秋

平陳記

玄宗幸蜀記

續漢志

晉春秋

宋略 卷四

十四 四明叢書
約圖刊本

大業略記

梁功臣列傳

薊門紀亂

東觀記

十六國春秋

通曆

朝野僉載

河洛春秋

收復邛州壁記

張璠漢記

職官志

大業雜記

潘遜紀聞

汾陽王家傳

五代通錄

漢晉春秋

後魏書

隋季革命記

宜都內人傳

顏氏行狀

閩中寶錄

九州春秋

玉泉子聞見錄

河洛行年記

陳氏別傳

李太尉南行錄

王氏啟運圖

紀年通譜

通典

創業起居注

張彭蒼舊傳

會稽錄

嘉號錄

燕書

貞觀政要

狄梁公傳

史略

卷四

句延慶蒼舊傳

勤王錄

山陽公載記

修文殿御覽

壺關錄

松窗雜錄

徐鉉吳錄

九國志

胡沖吳曆

獻帝起居注

唐曆

景龍文館記

十國紀年

馬氏行年錄

英雄記

前涼錄鈔

太宗勳史

開天傳信記

成通解圍錄

玉舉大定錄

江表傳

後魏序紀

革命記

升平源

唐年補錄

湖湘馬氏故事

獻帝春秋

十六國春秋錄

唐朝年代記

次柳氏舊聞

續寶運錄

華嶠譜敘

唐統紀

明皇雜錄

北夢瑣言

金鑿密記

史略

卷四

御史臺記

閩錄

唐餘錄

歷代年號

集賢注記

見聞錄

劉氏興亡錄

韋曜吳書

劉餗小說

虞嘉志林

編遺錄

孫盛雜語

伽藍記

唐會要

五代會要

妖亂志

寰宇記

吳錄

十六國明叢書
約圖刊本

三國典略

唐聖運圖

鮮于仲通碑

吳越備史

虜庭雜記

徐鉉江南錄

陷蕃記

貞陵遺事

谷況燕南記

續牛羊月曆

五代史闕文

洛中紀異

王貫妃傳

劇談

錢易家語

啟國寶錄

正閏位曆

五代史補

史略

卷四

西南備邊錄

備史遺事

景陽見聞錄

玉堂閑話

興元聖功錄

開成紀事

忠懿王勳業志

兩朝獻替記

戊申英政錄

三楚新錄

雲南別錄

何氏姓苑

續貞陵遺事

唐年小錄

金華子雜編

甘露記

錢氏慶系圖譜

韋奉天錄

十四明被書目

初圖刊本

常侍言旨

林恩補國史

皮光業見聞錄

家王故事

奉天記

劉展紀亂

李絳論事

唐闕文

貢奉錄

上清傳

蒲山公傳

後唐懿祖紀年錄

唐末汎聞錄

因話錄

建中實錄

會昌一品集

北蕃君長錄

南唐近事

宋略 卷四

十六 四明叢書
約圖刊本

唐諫諍集

鄴侯家傳

唐末見聞錄

東觀奏記

江表志

牛羊日曆

雲溪友議

唐列聖實錄自高祖至昭
哀凡二十世

敘訓

邠志

皇華四達記

彭門紀備

河南記

平剡錄

長曆

驚聽錄

南詔錄

韓愈集

李白集

白居易集

杜牧集

張九齡集

陳子昂集

獨孤及集

劉琨集

高郢集

鄭畋集

顧況集

賈至集

柳宗元集

大中制集

先賢行狀

馮涓大廳壁記

蜀德政碑

吳融生祠堂碑

陳子昂德政碑

史略

卷四

十九 四明叢書

約圖刊本

何進滔德政碑

鄭畋行狀

征天賦

武威王廟碑

眞宗初命編修君臣事迹謂輔臣曰宴享一門所錄唐中宗宴飲韋庶人等預會和詩與臣寮馬上口摘舍桃事皆非禮也已令削之又曰所編事迹蓋欲垂爲典法異端小說咸所不取編修官上言近代羣臣自述敷歷如李德裕文武兩朝獻替記李石開成承詔錄韓偓金鑾密記之類又有子孫述先德敘家世如李繁鄴侯傳柳氏序訓魏公家傳之類隱己之惡攘人之善並多溢

美故匪信書又僭偽諸國各有著撰如偽吳錄孟知祥
實錄之類自矜本國事或近誣其上並所不取其餘三
十國春秋河洛記壺關錄之類多是正史已有秦記燕
書之類出自偽邦商芸小說談數之類俱是談諧小事
河南志邠志平剡錄之類多是故吏賓從述本府戎帥
征伐之功傷於煩碎西京雜記明皇雜錄事多語怪奉
天錄尤是虛詞盡議采收恐成蕪穢從之書成賜名冊
府元龜所遺既多亦失明白如司馬公通鑑則不然今
人但以爲取諸正史予嘗窮極通鑑用工處固有用史

用志傳或用他書萃成一段者則其爲功切矣其所采
取亦博矣乃以其所用之書隨事歸之於下凡七年而
後成通鑑中所引援二百二十餘家試以唐一代言之
敘王世充李密事用河洛記魏鄭公諫諍用諫錄李絳
議奏用李司空論事睢陽事用張中丞傳淮西事用涼
公平蔡錄李泌事用鄴侯家傳李德裕太原澤潞回鶻
事用兩朝獻替記大中吐蕃尙婢婢等事用林恩後史
補韓偓鳳翔謀畫用金鑾密記平龐勛用彭門紀亂討
裘甫用平剡錄紀畢師鐸呂用之事用廣陵妖亂志皆

本末粲然則雜史瑣說家傳豈可盡廢今錄於前使觀者知其功力如此不敢率於展卷也

史略卷四

二十四明
約圖刊本

史略卷四

史略卷五

宋鄞縣高似孫續古撰

霸史

雜史

七略中古書

東漢以來書考

歷代史官目

劉勰論史

霸史一

史略 卷五

一四明叢書
約園刊本

十六國春秋略三十國春秋及春秋鈔戰國春秋附春秋策具外瓊隨者二十餘家不錄

華陽國志

十二卷晉常璩志巴漢風俗公孫以後據蜀事

漢之書

十卷常璩撰

蜀李書

十卷

漢趙書

十卷和苞撰

趙書

二十卷偽燕長史田融載石勒事

燕書

二十卷偽燕尙書范亨記慕容儁事

南燕錄

五卷范亨撰記慕容德事

南燕錄

六卷偽燕中書郎王景暉撰

秦書 裴景仁載苻朗過江事隋志唐志皆無之見劉孝標注世說

秦書 三卷何仲熙撰記苻健事

苻朝記 一卷田融撰

秦記 十一卷宋殿中將軍裴景仁撰

秦記 十卷魏尚書姚和都記姚萇事

涼記 八卷偽燕僕射張裕記張軌事

涼書 十卷偽涼中郎劉昺記張軌事

涼記 十卷偽涼著作佐郎段龜龍記呂光事

涼書 十卷高道遜撰

宋略 卷五

四明叢書 刊國刊本

涼書 十卷沮渠國史

托跋涼錄 十卷

燉煌寶錄 十卷劉昺撰

吐谷渾記 二卷宋新亭侯段國撰

鄴洛記

霸史二

吳越史 十卷皇朝范梈林禹撰

吳錄 二十卷徐鉉記楊行密據淮南迄楊溥

淝上英雄小錄 偽吳信都鎮記楊行密起廬州入廣陵將吏五十人

江南錄

十卷徐鉉記江
南李氏三主事

江南別錄

四卷陳
彭年撰

江表志

三卷鄭
文寶撰

江南野史

二十卷
龍衮撰

吳唐拾遺錄

十卷計
氏撰

南唐近事

二卷鄭
文寶撰

前蜀紀事

二卷偽蜀毛文錫記
王建采曆號前事

前蜀書

四十卷偽蜀李昊
撰記王氏本末

後蜀寶錄

八卷李是
記孟昶事

宋略

卷五

三四明叢書

約園刊本

蜀檣杙

十卷張
唐英撰

三楚新錄

三卷皇朝周羽沖記湖南馬
商周行逢荆南高季興事

荆湘近事

十卷陶
岳撰

閩中寶錄

十卷蔣文樸記王氏據閩盡留
從效李仁達事惟不及陳洪進

十國紀年

四十三卷劉恕
紀五代十國事

九國志

四十九卷曾
顏記五代事

晉自永嘉之亂皇綱失統九州君長據有中原腥羶之
風薰浸河洛其間或奉正朔或竊名位人自爲國螽蟥
碁分國有其臣各思記載錄其釐疆樹長之自詳其立

事用人之經亦足以待攷稽知本末後魏劉昶諸國據
有嵩華乃命崔浩博采舊聞綴述國史諸國所纂盡集
祕府爾朱之亂往往散亡今錄其可攷者

雜史

越絕書

十六卷子貢撰或曰子胥舊有內紀又外傳十七今存二十篇又載春申君疑

後人竄定言二十篇者非是

春秋前傳

十卷何承天撰

春秋前傳雜語

十卷何承天撰

春秋後傳

三十一卷晉著作郎樂資撰

史略

卷五

魯後春秋

二十卷劉允濟撰

吳越記

六卷

戰國策

三十二卷劉向錄

戰國策

二十一卷高誘注

戰國策論

一卷漢京兆尹延篤撰

南越志

八卷沈氏撰

十二國史

四卷

春秋時國語

十卷孔衍撰

春秋後國語

十卷孔衍撰

四四明叢書
約園刊本

右古雜史

楚漢春秋

九州春秋 並見春秋彙

史漢要集

漢末英雄記 十卷王粲撰

後漢雜事 十卷

後漢釋論 二十卷王越客撰

右兩漢

魏晉世論 十卷晉襄陽令郭旗撰

史略 卷五

魏末傳 二卷

呂布本事 一卷毛范撰

晉武平吳記 二卷周世宗將張昭撰

右魏晉

宋中興事 二卷

宋拾遺 十卷梁少府卿謝綽撰

王霸記 三卷潘傑撰

宋齊語錄 十卷孔思尚撰

五代新記 二卷唐張詢古記梁陳北齊周隋事

金陵樞要

一卷汪豹
記六朝事

齊梁事迹

一卷

淮海志

四卷蕭世怡敘
梁侯景之亂

右南北朝

隋開業平陳記

十二卷
裴矩撰

隋平陳記

一卷稱臣悅
撰亡其姓

大業拾遺

一卷唐
杜寶撰

大業略記

三卷唐
趙毅撰

大業拾遺錄

一卷記煬
帝幸江都

史略

卷五

大業雜記

十卷杜
寶撰

隋季革命記

五卷唐杜儁童
記大業之亂

劉氏行年記

十卷唐劉仁軌記大業
至武德河洛寇攘事

朝野僉載

二十卷唐張鷟記
周隋以來事迹

右隋

唐創業起居注

三卷溫大雅記高
祖起義至禪位

唐聖述

一卷裴
烜之撰

今上王業記

六卷溫
大雅撰

太宗勳史

一卷吳
兢撰

高宗實迹

一卷裴烜之撰

唐書備闕記

十卷吳兢撰起太宗至明皇

明皇政錄

十卷李康撰

明皇雜錄

二卷趙元一撰

天寶四幸記

一卷溫畬撰

幸蜀記

一卷宋巨撰

開天傳信記

一卷鄭棨撰記開元天寶事於傳聞

開元天寶遺事

六卷王仁裕撰

河洛春秋

二卷唐包誥撰起祿山叛訖史朝義叛

史略

卷五

天寶記

十卷

祿山事迹

二卷唐華陰尉姚汝能撰

邠志

一卷凌準記天寶之亂邠府從事

大唐新語

十三卷唐劉肅撰起武德訖大曆

奉天記

一卷唐徐岱撰

幸奉天錄

一卷唐崔光庭撰

奉天錄

四卷趙元一撰

建中西狩錄

十卷張讀撰

文宗朝備問

一卷

國史補三卷唐李肇記

補國史六卷唐林思撰

逸史三卷大中時人所作

闕史三卷唐高彥休記大曆以後至乾符事

封氏見聞記五卷唐封演撰

唐末見聞錄八卷紀儔昭兩朝事

燕南記三卷唐谷況撰

平蔡錄一卷唐鄭解記李愬平吳元濟

平淮西記一卷唐路隋記吳元濟始末

史略卷五

河南記一卷薛平存記元和中和平李師道事

大和辨謗錄三卷李德裕撰

太和記一卷甘露事誅鄭注等作十八傳

乙卯記李潛用記太和乙卯李訓等甘露事

甘露記二卷

開成紀事三卷記大和甘露事

開成承詔錄二卷李石記文宗朝鄭覃等奏對

文武兩朝獻替記三卷李德裕撰

柳氏舊聞一卷李德裕撰

唐錄備闕

十五卷僞蜀歐陽炳記
武宗僖宗中和初事

上黨紀叛

一卷

會昌伐叛記

一卷記李德裕相武
宗破回鶻平劉植

壺關錄

三卷韓昱述安史之
亂李密王世充事

正陵遺事

二卷唐令
狐澄撰

續正陵遺事

二卷唐
柳玘撰

平剡錄

一卷唐鄭言記太和
末擒越盜裴前平劉

太和野史

十卷沙
仲穆撰

東觀奏記

三卷唐裴廷
記宣懿僖宗

史略卷五

彭門紀亂

三卷唐鄭樵撰記懿
宗朝徐州龐勛叛

咸通解圍錄

一卷張雲記咸通
中雲南蠻寇成都

南楚新聞

三卷唐尉遲樞記
寶曆至天祐時事

廣陵志

三卷唐郭廷誨記
高駢鎮廣陵之亂

中朝故事

三卷僞唐尉遲氏
記宣懿昭宗事

唐補記

三卷唐程柔記
宣懿僖三宗事

雲南事狀

一卷記唐末羣臣奏
議招輯雲南蠻事

金鑾密記

一卷唐韓偓記昭宗幸
華州太祖以兵圍華事

會稽錄

一卷記唐末越
州董昌叛事

九四明叢書

鈞圖刊本

右唐

汴水滔天錄一卷五代王振記梁太祖事

汴州記一卷記梁太祖鎮汴州事

梁太祖遺錄三十卷梁恭翊撰

莊宗召禍記一卷後漢黃彬撰

晉朝陷蕃記四卷皇朝范質等撰

陷蕃記四卷范質撰

陷虜記三卷周胡嶠撰陷虜歸記其事

征淮錄一卷劉仁贍事

史略卷五

入洛私書十卷周江文秉記同光至顯德事

後史補三卷周高若拙記唐及五代事

備史六卷賈緯記晉末之亂

王氏聞見集三卷晉王仁裕記前蜀事

皮氏聞見錄十卷皮光業記唐乾符至五代事

右五代

太史公書所以為助者左氏國語世本戰國策陸賈新語楚漢春秋而已至班固因太史公范曄依謝承司馬彪諸史豈不易哉其為功也靈獻以來天下大亂史官

失守天下之士老於筆削傳於辭翰者往往各因聞見見諸纂修代不乏才爭自騁騫作者之眾蓋如此歟司馬公資治通鑑凡雜史入于整策裁正者凡二百二十餘家其亦有補於史氏明矣故並存之甚瑣陋者不錄

七略中古書

劉向著七略別錄二十卷蓋向爲光祿大夫成帝詔校經傳諸子詩賦所作時步兵校尉任宏校兵書太史令尹咸校數術侍醫李柱國校方技每一書已向輒條其篇目撮其指意錄而奏之向卒哀帝命向子侍中奉車

史略卷五

十四明策書
約園刊本

都尉歆卒父業歆於是總羣書而奏其七略有六藝略有諸子略有詩賦略有兵書略有術數略有方技略今

刪其要以備篇籍而向所撮指要歆復遺之

王儉作七
志阮孝緒

作七錄蓋
本諸此

大凡七略書五百九十三家而古之奇書爲

絕少今錄三代以前書不及一二十種春秋以來至秦諸子雜書百餘家不必錄有以古書爲名而師古諸人以爲後人所作或曰以後世語或曰其言俗薄者亦不錄是知秦火之厄酷矣所謂不必錄者入隋經籍唐藝文則又無此書矣惜哉

太古以來年紀

黃帝歷

黃帝四經

黃帝銘

孔甲盤盂

風后

蚩尤

力牧

顓頊歷

夏殷周魯歷

伊尹

太公

辛甲

史籀宣帝時

尹佚

成康時

東漢以來書考

史略卷五

十二四明叢書
約圖刊本

班固作漢書依向歆七略爲藝文志而范曄史後漢則無此志非闕歟自爾諸史惟隋史志經籍唐史志藝文然經籍之盛盛於隋極矣作東漢以後藝文考

東漢

東漢藏書在石室蘭臺在東觀在仁壽閣班固傳毅之流學焉董卓之亂獻帝西遷所收圖書猶七十餘載兩京亂掃地而盡

魏

魏采掇漢散亡之書藏在祕書中外三閣鄭默初作中

經

晉

晉既蒐聚典籍荀勗因魏中經制新簿總章羣書釐爲四部甲部錄六藝小學乙部錄子兵術數景部錄史記舊事丁部錄詩賦圖讖凡三萬惠懷之亂京華蕩覆書閣之度爲之一空東晉初漸加收拾李充校以勸舊簿僅存三千卷亦以甲乙類次

宋

中朝遺書既歸江左元嘉中謝靈運造四部目錄六萬

史略卷五

十三四明叢書
約圖刊本

四千餘卷元徽中王儉作四部書目又作七志一經與二子三文翰四軍書五陰陽六術藝七圖譜而道佛附之書名之下每立一傳又有條例載於篇首

齊

永明中祕書監謝朓丞王亮造四部書目書萬有八千卷齊末祕閣火書亡

梁

梁初任昉親加彙正聚書文德殿卷二萬三千釋書不錄又祕書監任昉殷鈞制四部目錄數術別爲一部是

爲五部劉遵又作東宮四部目錄劉孝標作文德殿四部目錄普通中處士阮孝緒采宋齊以來王公家所藏校官簿爲七錄一曰經典二曰記傳三曰子兵四曰文集五曰技術六曰佛七曰道其於剖析殊爲不經元帝克平侯景收文德殿書歸江陵凡七萬餘卷周師入郢咸自焚之

陳

陳天嘉中鳩集攷其篇錄尙多遺闕中原戰爭日親干戈文教之盛苻姚而已然猶有壽安殿四部目錄教殿四部目又有承香殿五經史記目亦留神於此者矣宋武入關收其圖籍僅四千卷

後魏

後魏始都燕代南略中原粗收書史未能該備孝文都洛借書於齊稍稍加錄爾朱之亂又復散落史中有魏闕書目一卷

後齊

後齊都鄴頗更搜聚迄天統武平間校寫不輟

後周

後周始基關右書止八千卷後增至萬卷周武平齊先封書府所加舊本纔五千卷

隋

隋開皇三年牛弘表請使求書一卷賞絹一疋校寫既畢卽還本書陳平經籍漸備於祕書續補殘闕爲正副二本內外閣凡三萬餘卷煬帝再錄分三品上者軸頭紅琉璃中者紺琉璃下者漆軸聚於東都觀文殿東西廂東藏甲乙西藏丙丁又藏魏以來古迹名畫於殿後起二臺東曰妙楷臺以藏法書西曰寶繪臺以藏名畫

史略 卷五

十五 國朝叢書
約園刊本

有四部目一其一開皇四年其一八年所錄又有大業正御書目

唐

隋嘉則殿書三十七萬卷武德初有書八萬卷重複相揉王世充平得隋舊書八萬卷太府卿宋遵監運東都浮舟沂河西致京師經砥柱覆舟書盡沈亡貞觀中魏徵虞世南顏師古繼於祕書監購天下書選五品以上子孫工書者爲書手繕寫藏於內庫以宮人掌之玄宗命昭文館學士馬懷素爲修圖書使與崇文館學士褚

無量整比會幸東都乃就乾元殿東序檢校無量建議御書以宰相宋璟蘇頌同署如貞觀故事又僧民間異本傳錄及還京師遷書東宮麗正殿修書院其後光順門外東都明福門外皆創集賢書院通籍出入既而太府月給蜀郡麻紙五千番季給上谷墨三百三十六丸歲給河間景城清河博平兔干五百皮爲筆材兩都各聚書四部以甲乙丙丁爲次列經史子集爲四庫其本有正有副帶帙籤皆異色以別之祿山之亂尺簡不藏元載奏以千錢購書一卷又命苗發等使江淮括訪文

史略卷五

十六國開藏書

約圖刊本

宗時鄭覃建言又詔搜探於是復全黃巢之亂存者又少昭宗播遷京城孫晟斂書本軍寓教坊於祕閣有詔還其書命韋昌範等詣道求購及徙洛陽蕩然無遺矣

本朝

本朝承五季後書皆蕩焚太宗垂意收聚祕閣崇文所儲不及唐之盛蓋古書益少矣太平興國中詔編太平御覽引用僅一千六百九十種而雜書古詩賦不與焉大中祥符中姚鉉集唐文粹序云今代墳籍略無亡逸

攷鉉所集亦自無幾王文康公初相周世宗家多唐舊書李文正公所藏亦富至闕學館給廩餼以延者宋宣獻兼得畢文簡楊文莊二家書有祕府不及者元符中一夕燼於火晁以道家所藏凡五世雖不及宋氏而校讐最爲精確邯鄲李氏所藏亦然政和甲午亦火劉壯輿家廬山之陽自其祖凝之以來圖書亦多有藏書記今亦不存濮安懿王之子榮王宗綽聚書七萬卷宣和中其子曾進書目自龍圖閣太清樓玉宸殿宣和殿以及崇文三館所儲盡歸於燕幸僅存耳

史略

卷五

十七 四明叢書

約圖刊本

劉軻論太史公以來史筆姓氏

史記班漢以來秉史筆者盡知其人矣東漢有若陳宗尹敏伏無忌邊韶崔寔馬日磾蔡邕盧植司馬彪華嶠范曄袁宏

國志有若衛顛繆襲應璩王沈傅玄韋曜薛瑩華覈陳壽

晉洛京史有若陸機束皙王詮詮子隱

晉史有若鄧粲孫盛王韶之檀道鸞何法盛臧榮緒宋史有若何承天裴松之蘇寶生沈約裴子野

齊史有若周興嗣鮑行卿何之元劉璠

陳史有若顧野王傅縡陸瓊姚察察子思廉

十六國史有若崔鴻

魏史有若鄧淵崔浩浩弟覽高允張偉劉模李彪邢巒

溫子昇魏收

北齊史有若祖孝徵陸元規陽休之杜臺卿崔子發李

德林林子百藥

後周史有若柳虬牛弘令狐德棻岑文本

隋書有若王劭王胄顏師古孔穎達于志寧李延壽

史略卷五

十八四明叢書
約圖刊本

唐書有若溫大雅魏鄭公房梁公長孫趙公許敬宗劉
胤之楊仁卿顧胤牛鳳及劉子玄朱敬則徐堅吳兢

劉勰論史

昔者夫子愍王道之闕傷斯文之墜靜居以歎鳳臨衢
而泣麟於是就大師以正雅頌因魯史以修春秋舉得
失以表黜陟徵存亡以標勸戒然獻旨幽祕經文婉約
丘明同恥實得微言乃原始要終創爲傳體傳者轉也
轉授經旨以授於後實聖文之羽翮記籍之冠冕也及
至縱橫之世史職猶存秦并七王而戰國有策蓋錄而

不序故卽簡爲名也漢滅嬴項武功積年陸賈稽古作楚漢春秋爰及史談世惟執簡子長繼志甄序帝續比堯稱典則位雜中賢法孔題經則文非元聖故取式呂覽通號曰紀紀綱之號亦宏稱也故本紀以述皇王列傳以總侯伯八書以鋪政體十表以譜年爵雖殊古式而得事序焉爾其實錄無隱之旨博雅弘辯之才愛奇反經之尤條例踏踏之失叔皮論之詳矣及班固述漢因循前業觀史遷之辭思實過半其十志該富讚序弘麗儒雅彬彬信有遺味至於宗經規聖之典端緒豐贍

之功遭親攘善之罪徵賄鬻筆之愆公理辯之究矣至於後漢紀傳發源東觀袁張所制偏駁不侷薛謝之作疎謬少信若司馬彪之詳實華嶠之准當則其冠也及魏代三雄紀傳並出陽秋魏略之屬江表吳錄之類或激抗難徵或疎闊寡要惟陳壽三志文質辯洽荀張比之於遷固非妄譽也至於晉代之書繁乎著作陸機肇始而未備王韶續末而不終干寶述紀以審正明序孫盛陽秋以約舉爲能案春秋經傳舉例發凡自史漢以下莫不準約至鄧粲晉紀始立條例又擺落漢魏憲章

殷周雖湘川曲學亦有心放典謨及安國立例乃鄧氏之規焉又曰傳紀爲式編年綴事文非泛論按實而書歲遠則同異難密事積則起訖易疎斯固總合之爲難也或有同歸一事而數人分功兩紀則失於複重偏舉則漏於不周此又銓配之未易也故張衡擿史班之舛濫傅玄譏後漢之尤煩皆此類也若夫追述遠代代遠多僞公羊高云傳聞異詞荀悅稱錄遠略近蓋文疑則闕貴信史也然俗皆愛奇莫顧理實傳聞而欲偉其事錄遠而欲詳其迹於是棄同卽異穿鑿傍說舊史所無

史略卷五

二十四明叢書

約圖刊本

我書則傳此訛濫之本源而述遠之巨蠹也至於記編同時時同多詭雖定哀微詞而世情利害勳榮之家雖庸夫而盡飾屯貶之士雖令德而崑埋吹霜照露寒暑筆端此又同時之枉論可爲歎息者也故述遠則誣矯如彼略近則回邪如此析理居正唯懿士心乎

史略卷五

史略卷六

宋鄞縣高似孫續古異

山海經

世本

三蒼

漢官

水經

竹書

山海經

史略卷六

一四明叢書
約圖刊本

山海經二十三卷郭璞所注又有山海圖贊二卷山海

圖音二卷又有山海經圖十卷舒雅等所修也本朝按

越絕書禹治水巡行天下所歷山川命伯益記之遂為

山海經世或以其書為荒異然攷酈道元注水經凡山

川謠異之事必以山海經為據郭璞之言曰古者皇聖

原化以極變象物以應怪鑿無稽蹟曲盡幽情神鳥度

哉神鳥度哉此書歷載三千暫顯於漢蓋武帝時有獻

異方鳥不知何以飼之東方朔既言其名又言其食帝

問何以知之曰山海經所出也又宣帝時擊磻石於上

郡陷得石室其中有反縛盜械之人劉向曰此貳負之臣也帝問何以知之以山海經對其辭曰貳負殺饗竊帝乃梏之疏蜀之山徑其右足反縛其兩手上大駭於是人多奇山海經其後東方朔作神異經張華箋之華曰方朔周旋一作巡天下所見神異山海所不載者列之有而不具其說者列之謂山海經也陶淵明有讀山海經詩汎覽周王傳流觀山海圖俛仰終宇宙此樂復何如

世本

史略卷六

二四明叢書
經國元本

世本十五篇古史官記黃帝以來訖春秋帝王公卿諸侯大夫譜係太史公因之以作史記者是後世本凡三其一曰世本劉向所作者二卷其一亦曰世本宋衷所作者四卷其一曰帝譜世本宋均所作者七卷又有世本王侯大夫譜二卷世本譜二卷王氏注按世本敘歷代君臣世系是書不復見猶有傳者劉向宋衷宋均三家而已予閱諸經疏惟春秋左氏傳疏所引世本者不一因采掇彙次爲一書題曰古世本周益公在西府聞予有此面借再三因錄本與之益公一見曰天下奇書

學者僞功也子因曰劉孝標注世說引摯氏世本蓋敘摯氏世家今人欲系譜謀依摯氏法名之曰某氏世本殊爲古雅益公曰此說尤新奇

三蒼

三蒼者蒼頡一篇上七章秦丞相李斯作爰歷六章車府令趙高作博學七章太史令胡毋敬作文字多取史籀篇而篆體復頗異所謂秦篆者也按史籀十五篇周宣王太史作大篆十五篇與孔氏壁中古文亦異體建武時亡矣然是時已建隸書

宋景文公云建字當作起造字然建字政自奇

史略卷六

三四明嚴書

約園刊本

於官獄多事苟趨省易施之於徒隸也漢興書師合蒼頡爰歷博學三篇斷六十字以爲一章凡五十五章并爲蒼頡篇武帝時司馬相如作凡將篇無復字

師古曰復重也

元帝時黃門令史史游作急就篇成帝時將作大匠李

長作元尚篇皆蒼頡中正字也凡將則頗有出矣元始

中徵天下通小學者以百數各令記事於庭中揚雄作

訓纂篇順續蒼頡又易蒼頡中重複之字凡八十九章

班固續揚雄作十三章凡一百二章蒼頡多古字俗師

失其讀宣帝時徵齊人能正讀者張敞從受之傳至外

孫之子杜林爲作訓故此孟堅所謂通知古今文字者
歟惟唐李善好援引問見於文選注師古注漢書條例
亦曰旁究蒼雅所用尙矣

漢官

漢官不知何人作應邵所注舊五卷今存其一王隆有漢官解

詁三卷胡廣所注隆字文山正訓舊漢官也按後漢書

百官志云周公作周官分職著明法度相持王道雖微

猶能久存所以觀周室牧民之德王隆作小學漢官篇

諸文倜說較略不究

史略卷六

四四明叢書
約園刊本

胡廣云隆漢官篇略道公卿內外之職旁及四夷博物

條暢多所發明足以知舊制儀品按應邵有漢官儀又

有漢官鹵簿圖又有漢官儀注又有漢官名秩蔡質有

漢官典儀其言儀者多涉故事往往如衛宏漢舊儀者

也舊四卷今有三卷後漢書百官志注引漢官目錄亦爲奇書

其後丁孚有漢官儀式荀攸有魏官儀王珪之有齊職

官儀梁有職制儀注視漢官簡繁殊不侔唯郭演有古

今百官注十卷最爲嚴整予以孟堅百官公卿表載漢

官無統緒嘗作漢官殊有條理

安帝時越騎校尉劉千秋校書東觀好事者樊長孫與書曰漢家禮儀叔孫通所草創皆隨律令在理官藏於几閣無記錄者久令二代之業闕而不彰誠宜撰次依擬周禮定位分職各有條序劉君然其言與邑子通人郎中張平子參議未定而遷爲宗正衛尉至順帝時平子爲侍中典校書方作周官解說乃欲以次述漢事莫能立子所集漢官正與長孫平子之意合

三

史略 卷六

五 四明叢書
約園刊本

後漢書百官志注引援皆古書奇書特爲精絕

水經

水經三卷漢中大夫桑欽撰後魏酈道元注爲四十卷道元范陽人仕魏爲吏部尚書是蓋李延壽父太師公所謂南人謂北爲索虜北人謂南爲島夷者其史於本國詳他國略初未嘗盡歷南地而所載南事特爲精確而又續業闕闕辭義峻拔凡所援引多前史所遺魏收稱其歷覽奇書是固有得於此乎道元之言曰大傳曰大川相間小川相屬東歸於海脈其支流之吐納診其

沿路之所纏訪瀆搜渠緝而綴之經有謬誤者考以附正文所不載非經水常流者不在記注之限蓋水經粗綴津渚而闕傍通此尋圖訪蹟道元之所以爲功乎按唐藝文云桑欽一作郭璞撰又鄭氏書略以爲郭璞注然道元所芟略不援引郭璞則知爲桑欽書也唐李吉甫有刪水經十卷是難乎刪矣晉僧道安有水記記四源海川虞仲雍有江記漢記其援引攷訂皆不可及此

竹書

穆天子傳一卷
古文瓊語四卷

周書十卷

晉太康二年汲郡民不准盜發魏襄王冢得古竹簡書

史略

卷六

六十四明叢書目
約園刊本

帝命荀勗和嶠撰次爲十五部八十七卷以爲中經列在祕書然雜以怪妄之說其紀年專用夏正載三代事而不及它國但紀晉魏間事終之哀王蓋魏之史記也按襄王卽魏惠成王之子靈王也世本以爲襄王又按史記六國年表自靈王二十一年至秦始皇三十四年燔書之歲八十六年至太康二年初得此書凡五百七十九年杜預於左氏傳之末嘗攷其不合於經傳者數事劉知幾史通乃言汲冢紀年載春秋事多與左氏同又郭璞注山海經以爲穆天子傳載穆王饗西王母于

瑤池之上與竹書同璞又言竹書不出則山海經幾廢則知竹書所載怪妄者必有合於山海經者初在隋日八十七卷是猶皆存至唐藝文志吳兢西齋書目僅十四卷耳知幾又曰汲冢所得尋卽亡逸然則擘虜束哲旣嘗據引荀勗又嘗參訂杜預之所引用于寶之所稽法則是書不爲不古矣不只是也師古稱臣瓚所注漢書喜用竹書隋志有竹書同異一卷按荀勗所考古尺其簡長二尺四寸以墨書一簡四十字時勗爲中書監同第錄沓中書令和嶠祕書主書令史祕書校書中郎

史略卷六

七 四明叢書
約圖列本

張宙郎中傅瓚瓚卽師古注漢書所引臣瓚者也時所書用二尺黃紙

穆天子傳

一卷竹書內書李氏邯鄲書目云六卷必是字誤

按左氏傳穆王欲肆其心周行天下將皆有車轍馬迹焉此書所載卽其事也穆王得盜驪綠耳之乘造父爲御以觀四荒西絕流沙西登崑崙與太史公記合竹書所傳穆天子傳六卷所歷怪奇亦幾於山海經者雖多殘闕皆是古書

周書 十一卷 竹書內書

晉孔晁注此書以爲孔子刪采之餘凡七十篇今如馬

總意林例篇摘一二語可見其刪書之餘者也

度訓解立中以補損命順解權以知始當順解天有常

常文酌解民生有欲有惡莊解有道故武稱解大國

其威敵國允文解思靜鎮勝大母解武有六制政大明

武解思嚴大武小明武解必得地勢大匡解維周王宅

天之大荒注曰程典解維三月既生魄文王合

程寤秦陰九間劉法文開保

開八繫以上篇逸

史略卷六

八四明鼓書

鄧保維二十三祀庚子朔大開維王三月既小開維三

五祀王念曰文傲維文王告夢懼後嗣之無保召太子

柔武維王元祀一月既生魄王召周公旦曰嗚呼維在

大武開維王一祀十有二月王在鄧開密命訪于周公

秋今余不獲其落若何周公曰茲小武開維王二祀一

在德敬右周其惟天命王其敬命極敬聽以勤天下

周公旦曰嗚呼余夙夜息商不知道極躬是四察循用

五行戒視七寶典解維王二祀二月丙辰朔王在鄧召

順順道九紀寶典解維王二祀二月丙辰朔王在鄧召

非躬何擇非人又曰維講解告聞王召周公旦曰嗚呼

子孫之謀寶以爲常維講解告聞王召周公旦曰嗚呼

呼傷商其成辜維日望見寤敬解維四月朔王告敬召

功謀言多信今其如何寤敬解維四月朔王告敬召

哉今朕有商驚武順解天道尚石日月西移地道尚左

子憂其謀矣武順解水道東流人道尚中耳目役心

武穆解曰若稽古曰昭天之任和寤解于鮮原召召公

夷畢公高王曰嗚呼敬之哉無競維武寤解八方咸發

人人惟允忠惟事惟敬小人難保武寤解師商師大崩父

克殷解伯夫致師王既戎車武賁馳商師商師大崩父

匡解商之監東隅之侯咸受賜于王文政解維十有

管大聚解惟武王勝殷撫圖世浮解維四月有乙未武

命有箕子考德二篇逸商誓王若曰若度邑維王克

諸侯及厥民我做維十有一五權維王不豫于五成開

茲日度邑我傲祀王告夢五權日召周公旦皇門解正

解成王九年大開作雒解子祿父俾守商紀皇門解月

庚午周公格于左闕門會羣大戒解維正月既生魄周

門路寢左門曰皇門閔音皇大戒解王訪于周公周

月維一月時訓紀時諡法解紀諡明堂明堂嘗麥周廟

嘗參於本典維四月既望既生魄官人王曰嗚王會解

太祖祭公解王若曰祖祭史記解維正月王在成周昧

方氏解掌天下芮良夫解良夫稽首謀告太子晉解

晉平公使叔譽于周玉佩解王者所殷說解湯將放桀

見太子晉而與之言玉佩解佩在德殷說解居中野

周祝解攘蒞民心哉民朕武經解車甲之間有巧銓法

解有三不遠三不器服解道大備

史略卷六

史略卷六

九四明嚴書

約圖列本

經籍訪古志

史略六卷

宋槧本
昌平學藏

宋高似孫撰首有寶慶元年自序卷一述史記卷二述兩漢書三國志至晉宋齊梁陳後魏北齊後周隋唐五代史卷三述東觀漢紀歷代春秋歷代紀實錄起居注唐左右螭劫書事延英殿時政記唐曆會要玉牒卷四述史典史表史略史鈔史評史贊史草史例史目史通通鑑參據書卷五述霸史雜史七略中書古書東漢以來書攷歷代史官目劉勰論史卷六述山海經世本三

史略志

一四明叢書
約圖刊本

蒼漢官水經竹書每半板十行行二十字界長六寸六分幅四寸六分按高氏又著子略四卷四庫全書總目載之而不言別有史略之著蓋西土早已亡佚耳此書文詞簡約而引據精核多載逸書實爲讀史家不可闕之書矣楊守敬

高似孫史略六卷宋槧原本今存博物館此書世久失傳此當爲海外孤本首有兼葭堂印木氏永保印按木世肅大坂人以藏書名者也原本亦多誤字今就其顯然者改之其稍涉疑似者仍存其舊按史家流別已詳於劉知幾史通高氏此書未能出其範圍況餽釘雜鈔詳略失當其最謬者如後漢書既採宋書范蔚宗本傳又採南史及蔚宗獄中與諸甥書大同小異一事三出不恤其繁又如既據新唐書錄劉陟齊書十三卷爲齊正史又據隋志錄劉陟齊紀十三卷爲齊別史既出范

宋略跋

一四明叢書

約園刊本

質晉朝陷蕃記四卷又出范質陷蕃記四卷而不知皆爲一書其他書名之誤人名之誤與卷數之誤不可勝紀據其自序成書於二十七日宜其罅漏如斯之多也似孫以博奧名其子略緯略兩書頗爲精核此書則遠不逮之久而湮滅良有由然唯似孫聞見終博所載史家體例亦略見於此篇又時有逸聞如所採東觀漢記爲今四庫輯本所不載此則可節取焉耳光緒甲申春正月宜都楊守敬記

史略六卷宋高似孫撰古逸叢書依宋槧原本刊原本存日本博物館不知地震後尙存在否高氏子略清代四庫全書總目載之而不言別有史略賴日本文庫收藏而存楊氏經籍訪古志旣稱其文詞簡約引據精核多載逸書實爲讀史家不可闕之書而跋語則又謂此書遠不逮子略緯略且云據其自序成書於二十七日宜多罅漏然史家體例略見於此矣吾鄉博奧如高續古先生著作如林史略一書旣得之於日本更應廣爲流傳爰取古逸叢書原刊與百川學海所刊子略騷略

史略跋

一四明叢書
約國刊本

二書先梓之俾學者有所津逮焉民國二十年四月後
學張壽鏞跋

四明叢書

四明叢書
約園刊本